

四庫全書

史部

欽定四庫全書

大事記續編卷五十一

明 王禕 撰

唐太宗文武皇帝貞觀五年春正月詔僧尼道士拜父

母

呂祖謙
標目修

癸酉帝獵于昆明池丙子還宮

以通鑑修

癸未朝

集使請封禪弗許

以舊紀修

二月封弟五人子七人為王

以本

紀修

夏五月乙丑以金帛贖隋人沒于突厥者

以新紀修

秋八月

甲辰遣使高麗瘞隋人戰亡者

以新紀修

戊申殺張蘊古

以新紀修

解題曰按舊史刑法志河南人李好德風疾瞽亂有

妖妄之言詔按其事大理丞張蘊古奏好德癩病有徵法不當坐治書侍御史權萬紀劾蘊古貫相州好德兄厚德為刺史情在阿縱奏事不實太宗曰吾嘗禁囚於獄內蘊古與之奕碁

統紀上將寬宥蘊古密報其旨仍引與博戲萬

紀奏劾之

今復阿縱好德是亂吾法也遂斬於東市既而悔之又交州都督盧祖尚以忤旨斬於朝堂帝亦追悔下制凡決死刑雖令即殺仍三覆奏尋謂侍臣曰人命至重一死不可再生昔世充殺鄭頤既悔追止

不及今春府吏取財不多朕怒殺之後亦尋悔皆由
思不審也比來決囚雖三覆奏須吏之間三奏便訖
都未得思三奏何益自今以後宜一日中五覆奏又
古者行刑君為徹樂減膳朕庭無常設之樂然對食
即不啖酒肉且曹司斷獄多據律文雖在可矜而不
敢違法或恐有冤自今門下覆理有據法合死而情
可宥者宜錄狀奏自是全活者甚衆其五覆奏以決
前一日二日決日又三覆奏惟犯惡逆者一覆奏而

已著之於令

九月修九成宮及洛陽宮

以呂祖謙
標目修

解題曰將復修洛陽宮民部尚書戴胄上表諫曰比
關中河北盡置軍團富室強丁並從戎旅重以九成
作役餘丁向盡去京二千里內先配司農將作假有
遺餘勢何足紀亂離甫爾戶口單弱一人就役舉家
便廢籍軍者督戎仗課役者責糧齎七月已來霖潦
未止濱河南北田正洿下年之有無未可知壯者盡

行賦調不給則帑藏虛矣洛陽宮殿足蔽風雨數年
功畢亦謂非晚帝覽奏罷役洛陽宮之修常以張玄
素之諫而止今復修繕亦由驕心之萌也不然明年
溫彥博何以願帝常如貞觀初魏徵亦以營繕微多為言

耶

唐仲友曰太宗修九成宮以
避暑也後世驪山兆於此

冬十月議封建通鑑

解題曰按新舊史列傳通典會要二年太宗謂公卿
朕欲使子孫長久社稷永安其理如何蕭瑀對曰臣觀

前代國祚長久者莫不建諸侯以為磐石之固秦罷
侯置守二代而亡漢郡國參建年餘四百魏晉廢之
不能永久封建之法實可遵行上然之始議封建禮
部侍郎李百藥以為祚之長短必在天時政或盛衰
有關人事而著述之家多守常轍欲以百王之季行
三代之法請待斲珣成朴刑措之教一行登封之禮
云畢然後定疆理之制

唐仲友曰百藥之論非不是
但封建聖人為民不獨為國

也祚

中書侍郎顏師古以為莫如分置王國不得過大

間以州縣錯雜而居互相維持為置官僚一皆省選

法令之外不得擅作威刑朝貢禮儀具為條式

唐仲友曰

封建郡縣亦難並行

魏徵曰隋民離亂黎元始蒙玄澤一朝棄

之為諸侯之隸未可一也既立諸侯當建社廟禮樂

儀衛頓闕則理必不安粗修則事有未暇未可二也

大夫卿士咸資祿俸薄賦則官府困窮厚斂則人不

堪命未可三也王畿千里征稅不多貢賦所資在侯

甸之外今並為國邑府藏必虛諸侯朝宗無所取給

未可四也燕秦趙代俱帶蕃夷追兵內地遠赴邊亭

將有他變未可五也

唐仲友曰徵知太宗及羣臣德不及恐革而不當故為適時之

論然徵亦無此學

由是罷不復議至名儒劉秩建論以為設

爵無土署官不職非古之道故權移外家宗廟絕而

更存存之之理在取順而難逆絕之之原在單弱而

無所憚至謂郡縣可以小寧不可以久安大抵與曹

陸相上下

唐仲友曰秩專以藩屏言亦未盡封建利害

而杜佑柳宗元深

探其本據古援今而反復焉佑之言曰夫為人置君

欲其蕃息則在郡縣然而主祚常促為君置人不病
其寡則在建國然而主祚常永建國利一宗列郡利
百姓且法未有不敝者聖人在度其患之短長而為
之建國之制初若磐石然敝則鼎峙力爭凌遲而後
已故為患也長列郡之制始天下一軌敝則土崩俱
潰然而戡定者易為功故其為患也短

唐仲友曰但以三代漢唐

論之佑
論自屈

宗元曰封建非聖人意也然而更堯舜禹湯

文武莫能去之非不欲去之勢不可也秦破六國列

都會置守宰據天下之圖攝制四海此得也二世而亡有由矣暴威刑竭人力天下相合劫令殺守圜視而並起時則有叛民無叛吏漢矯秦枉剖海內立宗子功臣數十年間奔命扶傷不給時則有叛國無叛郡唐興制州縣而桀黠時起失不在州而在於兵時則有叛將無叛州以為矯而革之垂二百年不在諸侯明矣

唐仲友曰宗元不足知聖人本意

至宋祁之論則曰建侯置

守如質文遞救亦不可一概責也救土崩之難莫如

建諸侯削尾大之勢莫如置守宰唐有鎮帥古諸侯

比也故王者視所救為之勿及於敝則善矣

唐仲友曰宋祁

此說如韓愈論性欲并包說實不見侯守利害

唐仲友曰封建在古可行後

世一廢而不復者一則風俗壞一則法制異不原風

俗不知法制妄以世祚短長國勢理亂議之以古帝

王萬世之法與秦世苟簡之制度長挈大職由道喪

學絕無三代之佐太宗區區有三代之心而道學不

足既知不封建不足以大治衆議紛然喑嘿而止可

勝歎哉

十一月丙子祀圓丘

以新紀修

十二月開黨項地十六州

呂祖

謙標
目修

解題曰按舊五代史列傳黨項古析支之地漢西羌
別種其地東至松州南接諸羌連吐渾處山谷間亘
三千餘里

丁亥制決死囚五覆奏下諸州者三覆奏死罪可矜者

以聞

以新紀及呂
祖謙標目修

壬寅帝幸溫湯癸卯獵于驪山戊申

還宮

以新舊紀修

康國求內附却之

以通鑑修

是歲馮盎入朝

以通

鑑修

唐太宗文武皇帝貞觀六年春正月乙卯朔日有食之

以新紀修

羣臣復請封禪魏徵諫止之

以通鑑修

解題曰按舊史志會要貞觀初羣臣並請封禪惟魏徵以為不可太宗曰朕欲卿極言之豈功不高耶德不厚耶諸夏未始安耶夷狄不慕義耶嘉瑞不至耶年穀不登耶何謂而不可對曰陛下功高矣而民未

懷惠德厚矣而澤未滂流諸夏安矣未足以供事遠

夷慕義矣無以供其求符瑞雖臻爵羅猶密積歲豐

稔倉廩尚虛

臣未能遠譬且借喻於人今有人十年常患瘡治且愈此人應皮骨僅存便欲

使負米一石日行百里必不可得隋民之亂非止十年陛下為之良醫疾苦雖已獲安未甚充實告成天地臣竊有疑此數語甚剴切且陛下東封萬國咸萃

不知新史及通鑑何以刪之

要荒之外莫不奔走今伊洛以東暨於海岱人烟斷

絕道路蕭條豈可引彼夷狄示以虛弱太宗不能奪

乃止六年文武官以平突厥年穀屢登表封泰山太

宗謂侍臣曰朕每聞衆議以封禪為盛事頻勸行之如朕本心但使天下太平雖闕封禪亦可比德堯舜若百姓不足夷狄內侵縱修封禪之儀亦何異桀紂王珪對曰陛下發德音明封禪本末非臣愚短之所能及魏徵進曰隋末大亂黎民遇陛下始有生望養之則至仁勞之則未可升中之禮千乘萬騎供帳之費動役數州戶口蕭條何以能給太宗雖納徵言而藩臣猶抗表勸請上問禮官兩漢封禪儀注遣中書

侍郎杜正論行泰山上古七十五帝壇是年兩河水
潦事乃寢范祖禹曰古者天子巡守至於方嶽必告
祭柴望所以尊天而懷柔百神也後世學禮者失其
傳而諸儒之諂諛者為說以希世主謂之封禪實自
秦始古無有也人主不法三代而法秦亦已謬矣太
宗方明朝多賢臣而佞者猶倡其議惟魏徵以為時
未可而亦不以其事為非也後議其禮徵亦預焉高
宗明皇遂踵行之終唐之世惟柳宗元以封禪為非

嗚呼禮之失也久矣世俗之失可勝救哉

二月丙戌置三師官

以舊史修

三月戊辰帝幸九成宮

以舊紀修

夏五月以魏徵為檢校侍中

新紀

秋七月己巳詔天下行

鄉飲酒

以新紀修

九月己酉帝幸慶善宮冬十月乙卯還宮

以新舊紀修

十二月辛未錄囚縱死罪還家

以新紀修

解題曰吳縝曰案太宗紀貞觀四年天下斷死罪者

二十九人何其少也今六年十二月太宗躬自慮囚

而京師死罪繫者已三百九十人舉京師之數而推

之天下不又多乎多寡遼絕蓋出於史氏歸美太宗之故而實則不然此三百九十人乃錄囚之時歸京師輕重繫者非實皆死罪也太宗以其盛冬縲繫故矜而縱之使明年就刑如期既至則憐而宥之若謂三百九十人實皆死罪而太宗釋之必不然也

事見通鑑

是歲大省内外官

以杜佑通典及百官志脩

解題曰新史百官志序太宗省内外官定制為七百

三十員曰吾以此待天下賢才足矣

杜佑通典貞觀六年大省内外

官凡文武定員六
百四十有三而已
然是時已有員外置其後又有特

置同正員

杜佑通典國初有員外神龍二年置員外官二千餘人員外官其初但云員外永徽

六年有員外官復司正員者

至於檢校兼守判知之類皆非本制

通典檢校者云檢校某官某階高而官卑者稱行階卑而官高者稱守階官同者無行守字判官者云判某官事知者云知某官事

又有置使之名或因事而置事已則罷

或遂置而不廢其名類繁多莫能徧舉中世以後盜起兵興又有軍功之官遂不勝濫矣

唐太宗文武皇帝貞觀七年春正月更破陣樂曰七德

舞

以通繼修

三月戊子王珪罷庚寅魏徵為侍中

新紀

癸巳直

太史李淳風造渾天黃道儀成

舊紀

夏五月癸未帝幸九

成宮

以新舊紀修

六月戴胄卒

以新舊紀修

秋九月大水

以舊紀修

縱囚

來歸赦之

以新舊紀修

解題曰按宋書齊書南北史晉謝方明為南郡相年

終江陵縣獄囚悉散聽歸家使過正還到罪重者二

十餘人一時遣之囚以就死無恨竟無逃者齊王志

為東陽太守有重囚十餘人冬至日悉遣還家過節

皆返惟一人失期明旦果自詣獄辭以婦孕蕭撫為
周刺史嘗至元日獄中繫囚悉放歸家聽三日然後
赴獄主者不可撓曰吾獲罪所甘心也諸囚依限而
至隋王伽為齊州參軍州使送流囚等詣京師並枷
鎖傳送伽次滎陽謂之曰枷鎖亦大辛苦吾欲與汝
等脫去能不違期不皆拜謝悉脫其枷停援卒期某
日至京師依期而至太宗之縱死囚殆亦迹古人之
所已行而為之爾故歐陽修譏之曰堯舜三代之治

必本於人情不立異以為高不逆情以干譽事見通

鑑

冬十月庚申帝還宮

以通鑑修

十一月辛丑頒新定五經於

天下

以皇極經世修

壬辰開府儀同三司長孫無忌為司空

新舊

紀修

十二月丙辰帝獵於少陵原戊午還宮

以新紀修

唐太宗文武皇帝貞觀八年春正月癸未頡利可汗卒

以呂祖謙標目修

壬寅命李靖等十三人循省天下

以新舊紀修

三

月庚辰帝幸九成宮

以新紀修

夏五月辛未朔日有食之

以新紀修

紀修

六月驍衛大將軍段志玄等為行軍總管伐吐谷渾

紀以

新修

秋七月大水

以通鑑修

冬十月作大明宮

以新紀通鑑修

解題曰大明宮地本太極宮之後苑東西面射殿也
地在龍首山上太宗初於其地營永安宮以備太上
皇清暑雖嘗改名大明宮然太上仍居太安宮未徙
入也高宗厭西內湫濕龍朔二年始大興葺曰蓬萊
宮咸亨改舍元宮宮南端門名丹鳳在平地門北三
殿相望第一殿曰含元殿後即宣政門門內曰宣政

殿殿之左門下省弘文館右中書省史館殿後即紫宸

門門內曰紫宸殿蓬萊池在其北東為蓬萊殿又紫

宸之東有延英殿

此據六典韋述西京記呂大防長安都城圖程大昌雍錄石定叟唐

京輔黃圖

甲子帝還宮

以通鑑修

十一月辛未李靖罷為特進每三兩

日平章政事

以新紀修

解題曰平章政事之名始此事見通鑑

甲申吐蕃入貢

以呂祖謙標目修

解題曰此吐蕃通唐之始也按新史列傳吐蕃本西
羌種屬蓋百有五十種散處河湟江岷間未始與中
國通居析支水西祖曰鶻提勃悉野稍並諸羌據其
地蕃發聲近故其子孫曰吐蕃而姓勃率野或曰南
涼禿髮利鹿孤之後子樊尼臣沮渠蒙遜為臨松太
守蒙遜滅樊尼率兵西濟河逾積石遂撫有羣羌云
十二月辛丑李靖為行軍大總管率五總管兵伐吐谷

渾

以新紀修

中書舍人高季輔請給外官卑品祿秩

以呂祖謙標目

修

唐太宗文武皇帝貞觀九年春三月分民戶為九等

以舊

紀通鑑修

夏閏四月丙寅朔日有食之

以新紀修

五月庚子太上

皇崩於大安宮

新紀

壬子李靖等奏平吐谷渾殺其王伏

允

以舊紀修

秋七月甲寅修太廟為六室

以舊紀修

楊恭仁罷

以新紀

相表

冬十月庚寅葬太武皇帝於獻陵廟號高祖

以新紀

修通鑑

解題曰竇革音訓獻陵在三原縣東十八里

唐太宗文武皇帝貞觀十年春三月癸丑以荆王元景等十二人為諸州都督

以呂祖謙
標目修

解題曰按新舊史列傳諫議大夫褚遂良上疏曰皇子幼年或授刺史陛下誠以至親扞四方如臣愚見刺史郡帥民仰以安得一善人部內蘇息遇一不善合州勞弊陛下兒子內年齒尚幼未堪臨人者且留京師教以經學養成德器審堪臨州然後敷遣太宗深納之唐仲友曰王為虛名而都督刺史世襲則名

實不相副矣宗室豈可例為都督刺史失古者親賢
並建之意矣此其所以不能久也事見通鑑

皇子魏王泰置文學館

以呂祖謙
標目修

解題曰陳傳良曰建成為太子太宗為天策上將此
正如承乾為太子而泰為魏王時也太宗開天策府
作文學館學士通宿閣下給珍膳訪政事討論文典
此正如泰之即府置館引學士衛尉供帳光祿給食
時也太宗收人傑納館中卒以此攘建成之位泰親

太宗之子得無動心乎況日廩所入過於太子遠甚則泰豈肯甘心復為太子下故曰啟泰之邪心者太宗也非泰之罪也事見通鑑

夏六月壬申以溫彥博為右僕射太常卿楊師道為侍中魏徵罷為特進知門下省事

以新舊紀修

己卯皇后長孫

氏崩

以新舊紀修

秋八月禁上書告訐者

以朱熹綱目修

冬十二月

蕭瑀罷

新紀

黜治書御史權萬紀

以呂祖謙綱目修

是歲定十道

府兵之制

以呂祖謙綱目修

解題曰按會要關內置府二百六十一積兵士二十
六萬舉關中之衆以臨四方又置折衝府二百八十
通計舊府六百三十三河東府額亞於關中河北人
多壯勇故不置府每歲十二月以衛士帳上於兵部
以俟徵發天下衛士六十萬餘見通鑑杜牧原十六
衛曰貞觀中內以十六衛蓄養戎臣外開折衝果毅
府以儲兵伍有事則戎臣提兵居外無事則放兵居
內其居內也富貴恩澤以奉養其身所部之兵散舍

諸府上府不越千二百人三時耕稼一時治武籍藏
將府伍散田畝力解勢破人人自愛雖有蚩尤為帥
亦不可使為亂耳及其居外也緣部之兵被檄乃來
斧鉞在前爵賞在後驪暴交梓豈暇異畧雖有蚩尤
為帥亦無由為叛也自貞觀至開元百三十年間戎
臣兵伍未始逆篡此聖人所以能柄統輕重制鄣表
裏聖術神算也開元末府兵內剽邊兵外作戎臣兵
伍湍奔矢往內無一人矣尾大中乾成燕偏重而天

下掀然萌根燼然七聖旰食求欲除之且不能也由
此觀之戎臣兵伍豈可一日使出落鈴鍵哉然為國
者不能無兵居外則叛居內則篡使外不叛內不篡

古今已還法術最長其置府立衛乎

李郭曰唐之府兵本無建立推

行之法皆周隋之舊也周地狹止據所有之地盡籍
為兵以與齊戰及得齊河東頻復增置以自助故關
中最多而河東次之及平齊之後所置絕少以河南
之重止置府於四郡河北山南皆止置於六郡而已
隋既平陳自江南以至嶺海百二十郡止於越潭各
置一府廣州二府貴州一府而已唐亦無大增損陸
贄遂以為太宗居重馭輕之法唐史臣遂以為高祖
太宗之兵制皆不考之過也又曰周封建唐府兵皆

以漢法考之乃通蓋王畿之外不盡為侯國時有特封者則未封以前必有掌其地者計王朝命吏之在四方漢之守令固不少也但周官不明之言爾府兵止西北諸郡為多東方諸郡少則兵民之在郡國如漢車騎材官者必未嘗廢如江西宣潤劍南之兵尚可考見

唐太宗文武皇帝貞觀十一年春正月作飛山宮

舊房紀

玄齡等定律令格敕

以呂祖謙標目修

解題曰葉適曰太宗房杜諸公參酌輕重著為刑統之書人之情偽無不周法之比例無不該雖云古者議事以制不為刑辟子產鑄刑書叔向非之然古今

之變不同古者有禮樂之器庠序次第之法以教化
天下不為刑辟惟恐民知爭端後世治天下既與古
不同則必著為成書使天下有所依據故古者不待
刑書以為治後世必待刑書而後治可成刑統既成
天下更不可易餘見周顯德五年解題

以孔子為先聖顏回配

以呂祖謙
標目修

二月甲子豫為山陵

終制

朱熹
綱目

帝幸洛陽宮壬午獵於鹿臺嶺

以新舊
紀修

三月

丙戌朔日有食之

以新舊
紀修

丙午行新修五禮

以通
鑑修

辛亥

帝獵于廣成澤癸丑還洛陽

以新紀修

羣臣請封禪帝使

議之

以通鑑修

夏六月虞恭公溫彥博薨

以新紀修

以宗室荆王

元景功臣長孫無忌等世襲刺史

以通鑑目錄修

秋七月癸未

朔大雨穀洛溢詔百官言事廢明德宮及飛山宮之玄

圃院給遭水家

以新舊紀修

解題曰中書侍郎岑文本封事言今雖億兆乂安方

隅寧謐既承喪亂之後又接凋弊之餘戶口減損尚

多田疇墾闢猶少覆燾之恩著矣而瘡疾未復德教

之風被矣而資產屢空古人譬之種樹年祀綿遠則枝葉扶疎若種之日淺根本未固一人搖之必致枯槁今之百姓頗類於此常加含養則日就養滋暫有征役則隨而凋耗凋耗既甚人不聊生怨氣充塞則離叛之心生矣此載於舊史新史不錄

九月河溢

以新紀修

冬十一月辛卯帝幸懷州獵於濟源麥

山以故荊州都督武士驥女為才人

唐太宗文武皇帝貞觀十二年春正月定氏族

以呂祖謙標目修

解題曰唐仲友曰古者重氏族故有同姓異姓庶姓
之別莫世繫辨昭穆史氏掌之豈容少有混淆自秦罷
侯封而命氏別族之禮廢自元魏有中原而華夷之
姓雜然無辨唐承南北之弊氏族之書安得不作不
幸遭許李挾艷后以焚信書至見目為勲格使太宗
之美意不傳可勝歎哉事見通鑑鄭樵曰隋唐而上
官有簿狀家有譜
系選舉必由於簿狀婚姻必由於譜系歷代有圖譜
局置郎令史以掌之仍用儒者知探譜事凡百官族
姓之有家狀者則上之官官為考定詳實藏於秘閣
副在左戶私書有濫則糾之以官籍官籍有闕則糾

之以私書五季以來取士不問家世婚姻不問閥閱故其書散佚而不傳

二月癸亥帝如河北觀砥柱乙亥獵於河濱

以新紀修

閏二

月庚辰朔日有食之

新紀

丙戌帝還宮

以新紀修

秋七月癸酉

吏部尚書高士廉為右僕射

以新紀及皇極經世修

八月吐蕃寇

松州以吏部尚書侯君集為大總管率三總管兵伐之

以新紀修

解題曰吐蕃之禍始於此

九月辛亥濶水道行軍總管牛進達敗吐蕃於松州

以新

紀修

癸酉以薛延陀真珠可汗二子為小可汗

以呂祖謙
標目修

冬十月己卯帝獵於始平乙未還宮

新紀

十一月丁未初

置玄武門飛騎

以通鑑修

是歲西突厥分為兩可汗

以呂祖
謙標目

修

唐太宗文武皇帝貞觀十三年春三月乙巳朔帝謁獻

陵丁未還宮

以新舊
紀修

房玄齡為太子少師自領度支

以呂

祖謙
目修

解題曰太宗嘗責房杜以求賢而不使之親細務似

得任相之道矣今玄齡之領度支無乃下行有司之職乎借曰制國用者冢宰之事而名之不正亦甚矣
事見通鑑

永寧懿公王珪卒

以通鑑修

二月庚子停世封刺史

新紀

解題曰唐仲友曰太宗以諸王為都督刺史又欲世封功臣二事乃法制根本欲行周典當自是始惜乎羣臣不足以語此諸王守土遂良方以為非功臣世封無忌等自同於遷徙二事既無所成本末俱弱武

氏得以談笑篡之惜哉事見通鑑

夏四月戊寅帝幸九成宮甲申中郎將阿史那結社率

犯御營伏誅

以新舊紀修

壬寅雲陽火然

新紀

五月旱甲寅避

殿詔五品以上言事減膳罷役理因賑乏乃雨魏徵上

疏論十漸

以新舊紀傳通鑑修

解題曰按新史列傳徵上疏極言曰陛下貞觀初清

淨寡欲今萬里遣使市駿馬訪珍怪此不克終一漸

也

犯旅葬之戒

貞觀初護民之勞煦之如子不輕營為頃

既奢肆思用人力乃曰百姓無事則易驕勞役則易

使自古未有百姓逸樂而致傾敗何有逆畏其驕而

為勞役哉此不克終二漸也

犯無逸之戒

貞觀初役已以

利物比來縱欲以勞人雖憂人之言不絕於口而樂

身之事實切於心此不克終三漸也

犯無逸之戒

貞觀初

親君子遠小人比來輕褻小人禮重君子重君子恭

而遠之輕小人狎而近之此不克終四漸也

犯立政之戒

貞觀初不貴異物不作無益而今難得之貨雜然並

進玩好之作無時而息此不克終五漸也

犯旅藝之戒

貞

觀初求士如渴賢者所舉即信而任之取其所長常恐不及比來由心好惡以衆賢舉而用以一人毀而

棄雖積年任而信或一朝疑而斥此不克終六漸也

犯立政之戒

貞觀初無田獵畢弋之好數年之後志不克

固鷹犬之貢遠及四夷晨出夕返馳騁為樂此不克

終七漸也

犯無逸之戒

貞觀初遇下有禮羣情上達今外

間奏事顏色不接間因所短詰其細過此不克終八

漸也

犯太甲接下
思恭之戒

貞觀初孜孜治道常若不足比恃

功業之大長傲縱欲無事興兵問罪遠裔此不克終

九漸也

犯說命干戈
省躬之戒

貞觀初頻年霜旱畿內戶口並

就關外無一戶亡去由矜育撫寧故死不攜貳比者

疲於徭役關中尤甚脫有一穀不收恐不能如前日

之帖泰此不克終十漸也

犯大禹本國
邦寧之戒

疏奏帝曰朕

今聞過矣願改之以終善道有違此言當何施顏面

與公相見哉乃以所上疏列為屏障朝夕見之兼錄

付史館使知萬世君臣之義唐仲友曰徵之言條目雖多然不過修已用人聽言安民四事而已藹然如伊傅周召之戒其君大禹之訓後世非慮之至忠之盡安能及此

六月丙申封弟為王

以新紀修

秋八月辛未朔日有食之

舊紀

遣突厥還磧南唐辰立阿史那思摩為可汗賜姓李

以呂

祖譙標
目修

解題曰唐仲友曰思摩之立在延陀之後故突厥終

見逼於延陀蓋頡利之亡其下多走延陀若北庭早
建則可以收撫散亡延陀既受唐號而思摩復立故
勞口舌之諭而延陀終亦叛渙亦不蚤從魏徵之過
也事見通鑑

冬十月甲申帝還宮

以通鑑修

十一月辛亥楊思道為中書

令戊辰尚書左丞劉洎為黃門侍郎參知政事

以新舊紀修

解題曰參知政事之名始此

十二月以侯君集為大總管伐高昌

以呂祖謙標目修

己亥立

皇子為王

以本紀修

壬辰獵於咸陽癸巳還宮

唐太宗文武皇帝貞觀十四年春正月庚子令有司讀

時令

以新舊紀修

二月丁丑幸國子監時增築學舍千二百

間學生三千餘員命祭酒孔穎達等撰五經正義

以新舊紀

及通鑑修

解題曰范祖禹曰古之教者家有塾黨有序遂有序

國有學士修於家而後升於鄉升於國達於天子其教之有素養之有漸升之有序故賢才不可勝用後

世鄉里之學廢人君能教者不過聚天下之士而烏
合於京師眩曜於一時而已非有教養之實也唐之
儒學惟貞觀開元為盛其所成就者則亦可觀矣孟
子曰學所以明人倫也故有國者以為先然為學而
不復三代之制亦未知其可也呂祖謙曰傳注之學
漢之諸儒專門名家以至魏晉梁隋全經固失然鄭
玄王肅之徒其說猶存猶有可見之美自孔穎達集
衆家之說為正義後之觀經者但知有正義而諸儒

之說無復存矣事見通鑑

壬午帝幸溫湯辛卯還宮

以新紀修

秋八月庚午作襄城宮

新紀

解題曰新史地志汝州臨汝縣有清暑宮在鳴皋山

南即襄城宮

癸酉侯君集克高昌擒其王九月以其地為西州乙卯

置安西都護府魏徵及黃門侍郎褚遂良諫不聽唐地

東極於海西至焉耆南盡林邑北抵大漠皆為州縣

以呂

祖謙標
目修

解題曰按新舊史列傳太宗欲以高昌為州縣魏徵
諫曰陛下初臨天下高昌夫婦先來朝謁自後商胡
被其遏絕貢獻王誅載加罪止文泰可矣未若撫其
人而立其子伐罪弔民威德被於遐外今若利其土
壤以為州縣常須千餘人鎮守數年一易每往交番
死者十三四遣辦衣資離別親戚十年之後隴右空
虛陛下終不得高昌撮穀尺布以助中國散有用而

事無用臣未見其可不從以其地為西州褚遂良上
疏曰古者拓王必先華夏而後夷狄務廣德化不事
遐荒陛下誅滅高昌以為州縣歲遣千餘人遠事屯
戍去者資裝自須營辦既賣穀粟假其機杼經途死
亡復在言外兼遣罪人增其防遏所遣之內復有逃
亡官司捕捉為國生事河西方已腹心高昌他人手
足豈得糜費中華以事無用宜擇高昌可立者而立
之長為藩翰不省餘見通鑑唐仲友曰太宗志在西

域自高昌始故得其地而守之不暇顧勞費魏徵遂良之諫萬世之長策也太宗不暇顧省欲谷設之降又以其地為庭州此後焉耆龜茲之伐繼行遂置四

鎮而中國之民萬里征戍自茲始矣

通典漢宣帝初置西域都護晉

宋以後有都護之官齊陳伯起為西江都護沈顗為南江都護

冬閏十月乙未帝如同州獵於堯山庚戌還宮

以新紀修十

一月甲子朔祀南郊

以通鑑修

詔增服制

以呂祖謙標目修

十二月

下侯君集獄既而赦之

以通鑑修

解題曰按新史侯君集傳君集平高昌還為有司所

劾詔詣獄簿對中書侍郎岑文本諫餘見通鑑

吳縝曰本

紀十六年正月辛未中書舍人岑文本為中書侍郎專典機密則是年十二月文本未為中書侍郎也宰相表又云十六年正月辛未中書舍人兼侍郎岑文本為中書侍郎則傳所書者其兼官歟不書正官而書兼官非史法也紀書正官而不著兼官亦未允也

唐太宗文武皇帝貞觀十五年春正月丁丑以公主妻

吐蕃

以呂祖謙標目修

解題曰唐仲友曰太宗得志四夷獨於吐蕃終以和

解者太宗之兵力盡於東北故不暇及於吐蕃一也
夷狄之勢離則弱合則強太宗滅西域破吐谷渾為
吐蕃毆民所以終為唐患二也中國不可輕假借夷
狄太宗得之於薛延陀失之於吐蕃使得借中國之
勢以服其種人三也以太宗之智筭而猶有遺慮其
為中國患亦有天數耶事見通鑑

辛巳帝幸洛陽次溫湯衛士作亂伏誅

以新紀修

三月戊辰

帝幸襄城宮罷之

以新紀修

夏四月辛卯朔詔以來歲二

月有事於泰山

以新紀修

六月己酉有星孛於太微丙辰詔

罷封禪

以通鑑修

秋七月甲戌遣使立西突厥沙鉢羅葉護

可汗

以通鑑修

遣職方郎中陳大德使高麗

以呂祖謙標目修

解題曰去年得志於西域今又遣人觀釁於東夷矣

事見通鑑

冬十月帝獵於伊闕幸洛陽宮

以新紀修

十一月薛延陀攻

突厥命兵部尚書李勣等為四道行軍總管伐之

以新紀修

十

二月戊子帝還京師

以通鑑修

唐太宗文武皇帝貞觀十六年春正月魏王泰上括地

志泰居武德殿魏徵諫遣歸第以通鑑修卒未中書舍人兼

中書侍郎岑文本為侍郎以新紀及表修夏六月庚寅追復建

成皇太子元吉巢王以舊紀修甲辰詔皇太子用庫物有司

勿為限期以朱熹綱目修秋七月戊午長孫無忌為司徒房玄

齡為司空以新舊紀修九月丁巳魏徵為太子太師以舊紀修西

突厥吐陸可汗殺沙鉢羅葉護可汗而驕諸部請廢之

遣使立射匱可汗以呂祖謙標目修冬十月丙辰帝獵於武功

壬戌獵於岐陽幸慶善宮庚午還宮十二月癸卯幸溫

湯甲辰獵於驪山乙巳還宮

以新紀修

是歲高麗大人泉蓋

蘇文弑其王建武

以舊紀修

唐太宗文武皇帝貞觀十七年春正月戊辰鄭文貞公

魏徵卒

以新紀呂祖謙標目修

解題曰按新舊史列傳太宗嘗臨朝謂侍臣曰徵亡

後朕遣人至其家得書一紙始半藁其可識者曰天

下之事有善有惡任善人則國安用惡人則國亂公

卿之內情有愛憎憎者惟見其惡愛者惟見其善愛
憎之間所宜詳慎若愛而知其惡憎而知其善去邪
勿疑任賢勿貳可以興矣其遺表如此朕顧思之恐
不免斯事公卿侍臣可書之於笏知而必諫也徵狀
貌不逾中人而素有志膽每犯顏進諫雖逢帝怒甚
神色不徙而天子亦為霽威議者謂賁育不能過嘗
上冢還奏曰向聞陛下有關南之行既辦而止何也
帝曰畏卿遂停耳餘見通鑑唐仲友曰諫臣有三長

曰學曰識曰氣徵三者兼有而氣最勝故以直著徵諫
諍甚多然亦有綱領以堯舜為準以仁義為本以修
身知人安民為說可觸類而通也

二月戊申圖功臣於凌烟閣

新紀

解題曰南部新書凌烟閣在西內三清殿側畫功臣

皆北面事見通鑑

唐仲友曰太宗以平隱巢之難為元勳故長孫無忌居房杜之上而

張亮侯君集皆預焉
犯小人勿用之戒矣

齊州都督齊王佑殺長史權萬紀而反三月丙辰遣李

勳將兵討之伏誅

以呂祖謙
標目修

夏四月乙酉廢皇子承乾

為庶人漢王元昌侯君集駙馬都尉杜荷等皆伏誅幽

魏王泰丙戌立晉王治為皇太子

以呂祖謙
標目修

丁亥楊師

道罷己丑長孫無忌兼太子太師房玄齡兼太傅蕭瑀

為太保李勣為詹事瑤勣並同中書門下三品

以通鑑修

解題曰同三品自此始宋敏求曰時中書令侍中皆

正三品大厯升為二品

癸巳降魏王泰為郡王

以新紀修

六月己卯朔日有食之

以新

紀修

壬辰葬隋恭帝

新紀

丁酉高士廉同三品平章政事

以新

紀修

閏六月丁巳詔皇太子典左右屯營兵

以新紀修

薛延陀

來納幣絕其昏

以朱熹綱目修

遣使冊封高麗王藏

以通鑑朱熹綱目修

秋七月罷魏徵子叔玉尚主踏墓碑

以呂祖謙標目修

解題曰徵既亡帝思之不已登凌烟閣觀畫像賦詩

悼痛聞者媚之毀短百為指其與杜正倫侯君集為

阿黨又言徵嘗錄前後諫諍語示史官褚遂良帝滋

不悅先許以衡山公主降其子叔玉於是手詔停昏

仆所為碑餘見通鑑曾鞏曰太宗嘗屈已以從羣臣之議而魏公之徒感知已之遇事之大小無不諫諍唐之所以治其源蓋出於此能知其有此者以其書存也及觀魏徵以諫諍事付史館而太宗怒之每恨其不思而益知公之為賢夫君之使臣與臣之事君大公至正之道而已大公至正之道非滅人言以掩已過取小亮以私其君此其不可者也又有甚不可者夫以諫諍為當掩是以諫諍為不美也則後世誰

復當諫諍乎况前代之君有納諫之美而後世不見則非惟失一時之公又將使後世之君謂前代無諫諍之事是啟其怠且忌矣

丁酉房玄齡罷

以紀傳修

八月庚戌兵部尚書張亮為工部

尚書參豫朝政

以新紀修

九月庚辰新羅乞兵伐高麗遣使

諭之

以通鑑修

徙庶人承乾黔州順陽王泰均州

以呂祖謙標目修

冬十月丁巳房玄齡起復

以新紀修

十一月己卯祀圓丘

黜封德彝贈謚

以朱熹綱目修

帝疑太子仁弱密謂長孫無忌

曰吳王恪英果類我立之何如無忌固爭乃止

以呂祖謙
標目修

唐太宗文武皇帝貞觀十八年春帝欲征高麗李勣勸

之褚遂良諫不聽

以呂祖謙
標目修

解題曰按新舊史列傳太宗謂侍臣曰高麗莫離支
賊殺其王虐用其民夫出師當乘機便今誅之甚易
褚遂良對曰陛下手平寇亂西北誅夷徼外懾伏今
將興師遼東臣意熒惑何者兵既渡遼指期克捷萬
一差跌無以示遠方若再發忿兵則安危難測太宗

深然之李勣曰近者延陀犯邊陛下必欲追擊聽魏徵之言遂失機會若如聖策可五十年間疆域無事帝曰誠如卿言由徵計誤朕不欲以一計不當而尤之遂良翌日上疏曰譬諸身兩京腹心也四境手足也殊裔絕域殆非支體所屬高麗殺其主陛下討逆收地斯實乘機但命二三勇將發兵四五萬唾手可取今太子新立年實幼小自餘藩屏陛下所知一旦棄金湯之全渡遼海之外叵忽三思愁煩並集東京太

原逕路非遠為其節度以設軍謀實安全之上計不

納餘見通鑑唐仲友曰高麗之舉起於裴矩溫彥博

之諫

裴溫言遼東本箕子國魏晉時故封內不可不自此即開遠畧之端一言而幾於喪邦者也

滋於陳大德之使發於新羅之侵定於李勣之議玄

齡遂良之諫皆不欲也拏兵十數年海東丘墟天下

騷動仁人之言其利溥哉不仁之言其害亦大矣

又曰

王魏既沒諫臣惟遂良而其識量遠不及徵李勣武臣所見者惟邊功奈天下計何徵在勸此言必不發就使有此言徵肯但已耶遂良以克為善其言已不能無過矣胡不明夷夏之分申知足之戒以告耶勣

之指徵所以杜遂良之再諫惜乎不抗疏而力陳之太宗之欲用兵也指徵之失其悔用師也興徵之思諫臣繫國之輕重也如此夫

夏四月辛亥帝幸九成宮

紀以新修

秋七月甲午遣營州都

督張儉率兵及契丹奚伐高麗

紀以新修

八月壬子以安西

都護郭孝恪為行軍總管伐焉耆

紀以新修

甲子帝還宮

新以

紀修

丁卯散騎常侍劉洎為侍中岑文本為中書令中書

侍郎馬周守中書令

紀以新修

九月以褚遂良為黃門侍郎

參預朝政

以通鑑修

解題曰按新舊史列傳太宗嘗謂無忌等曰人苦不自知公宜面論攻朕得失無忌曰陛下武功文德冠卓千古臣將順之不暇實不見陛下有所愆失帝曰朕冀聞過公等乃相諛悅朕今面談公等得失以為鑒誠因目無忌曰善避嫌疑應對敏速求之古人未有其比而總兵攻戰非所長也高士廉涉獵古今心術聰悟臨難不改節為官無朋黨所少者骨鯁規諫耳唐儉言辭俊利善和解人事朕三十載遂無一言

論國家事楊師道性行純善自無愆過而情實怯懦
緩急不可得力岑文本性道敦厚文章是其所長而
持論常據經遠自當不負於物劉洎性最堅貞言多
利益然其意尚然諾於朋友馬周見事敏速性甚貞
正論量人物直道而行朕比任使多所稱意褚遂良
學問稍長性亦堅正既寫忠誠親附於朕譬如飛鳥

依人自加憐愛

王珪與房玄齡李靖溫彥博戴胄同
輔政太宗謂珪曰卿識鑒清通尤善

談論自房玄齡等咸宜品藻又可自量孰與諸子賢
對曰孜孜奉國知無不為臣不如玄齡才兼文武出

將入相臣不如李靖敷奏詳明出納惟允臣不如房
博處繁理劇衆務必舉臣不如戴胄以諫諍為心恥
君不及堯舜臣不如魏徵至於激濁揚清嫉惡好善
臣於數子亦有一日之長帝稱善而立齡等亦以為
盡已所長謂之確論及太宗
評無忌等人才視之劣矣

郭孝恪平焉耆

以呂祖謙
標日修

冬十月辛丑朔日有食之

以新
紀修

甲寅帝幸洛陽房玄齡留守京師

以新舊
紀修

十一月

遣張亮李勣馬周為行軍大總管率十六總管兵伐高

麗仍詔親征

以新
紀修

解題曰按新舊史列傳太宗將伐遼東召靖入謂曰

公南平吳北破突厥西定慕容惟東有高麗未服公
意如何對曰徃憑天威薄展微效今殘年朽骨惟擬
此行陛下誠不棄疾且瘳矣太宗愍其老不許太宗
欲取高麗若委之靖固能辦之然太宗方欲以高麗
為已功故棄靖不用耳所以無功之可紀也餘見通
鑑

十二月壬寅庶人承乾卒

新紀

戊午突厥部落南渡河李

思摩來奔

以呂祖謙
標目修

唐太宗文武皇帝貞觀十九年春二月庚戌帝伐高麗

蕭瑀留守洛陽

以新紀
通鑑修

解題曰按南蠻傳貞觀時林邑與婁婁羅刹二國使
者偕來林邑言不恭羣臣請問罪太宗曰昔苻堅欲
吞晉衆百萬一戰而亡隋取高麗歲調發人與為怨
乃死匹夫手朕敢妄議發兵耶赦不問伐高麗之失
太宗非不知之也一怵於陳大德之觀豐再激於新
羅之求救遂掃境而屬之而不暇他顧也豈非所謂

知之非艱行之惟艱耶事見通鑑

贈殷比干太師謚忠烈

以新舊紀修

三月帝至定州皇太子

監國命攝太子太傅高士廉左庶子劉洎馬周等輔皇

太子監國長孫無忌攝侍中吏部尚書楊師道攝中書

令及岑文本從行夏四月丁未文本薨右庶子許敬宗

掄授中書侍郎

通鑑

李勣克蓋牟城

以新紀修

五月張亮拔沙

卑城

以朱熹綱目修

解題曰竇華音訓卑沙城今朔庭南海府在梁水南

三百里

甲申帝克遼東城置遼州六月丁酉朔克白巖城置巖州已未大敗高麗於安市城

以新舊紀修

解題曰竇革音訓白巖城今戎人以為巖州在梁水西北四十里安市城在梁水城南百八十里夷人亦呼為鐵州

秋七月壬申薛延陀真珠可汗死子拔灼自立為多彌

可汗

以呂祖謙標目修

李勣攻安市城不克癸未帝乃班師

以舊

紀修

冬十月命祀魏徵復立所踣碑

以朱熹綱目修

解題曰唐仲友曰高麗之役褚遂良諫不聽帝所狎也遼東之還謂魏徵在吾無此行帝所憚也古人言成王畏相以此事見通鑑

戊午次漢武臺刻石紀功

新紀

十一月丁亥貶楊師道為

工部尚書

新紀

十二月戊申帝次并州

以新紀修

薛延陀寇河

南領軍大將軍執失思力大敗之

以通鑑修

庚申殺劉洎

以新

舊紀修

解題曰按新舊史列傳帝征遼東詔劉洎兼太子左庶子檢校民部尚書輔皇太子監國太宗謂洎曰我今遠征使卿輔太子安危所寄卿宜深識我意洎曰願陛下無憂大臣有愆失臣謹即行誅帝以其妄發頗怪之謂曰卿性疎而太健恐以此敗深宜戒慎帝還不豫洎與馬周入候洎周出褚遂良問起居洎泣曰上體患癰殊可懼遂良誣奏之曰國家不足慮正當輔少主行伊霍事大臣有異志者誅之自定矣帝

愈召洎問狀洎以實對又引馬周以自明周對與洎

所陳不異遂良執不已乃賜洎自盡洎臨引絕索筆

牘欲有所奏有司不敢與帝後知之有司皆得罪

孫甫

曰遂良不應譖洎蓋遂良被譴之後洎子訴冤李義府助之又貞觀實錄許敬宗頗以私意改易舊文則

譖洎之事未必可信蘇軾取其說

顯慶中其子弘業詣闕訴遂良譖

死狀李義府右之高宗告近臣樂彥禕曰辨之是暴

先帝過刑事寢餘見通鑑

馬周攝吏部尚書始罷四時選

以通鑑修

唐太宗文武皇帝貞觀二十年春正月夏州都督喬師

望等擊薛延陀大破之

紀以新修

丁丑遣大理卿孫伏伽等

二十二人以六條察四方

以通鑑修

解題曰王容曰按百官志監察御史十道巡按一察
官人善惡二察戶口流散籍帳隱沒賦役不均三察
農桑不勤倉庫耗減四察妖猾盜賊生業為公私蠹
害五察德行孝悌茂材異等藏器晦迹應時用者六
察黠吏豪宗兼并縱暴貧弱冤苦不能自伸者此言

巡察四方或者即此六條歟餘見通鑑

按舊史李嶠傳則天初置

右御史臺巡按天下嶠上疏今之所察但準漢之六條推而廣之則無不包矣無為多張科目空費簿書

三月己巳帝還京師

以新舊紀修

己丑張亮謀反伏誅

以呂祖謙

修標目

閏三月癸巳朔日有食之

新紀

戊戌罷遼州巖州

以呂

祖謙標目修

回紇攻薛延陀六月乙亥遣江夏王道宗李勣

伐薛延陀回紇殺多彌可汗據其地

以新紀修

秋八月甲子

立皇孫為王

以本紀修

回紇諸部並降己巳帝幸靈州受之

九月諸部上號為可汗

以呂祖謙標目修

冬十月蕭瑀罷

以舊紀修

丙戌帝還京師

以新舊紀修

唐太宗文武皇帝貞觀二十一年春正月壬辰申文獻

公高士廉薨

以新紀修

丙辰以回紇諸部為州府其酋長為

都督刺史

以呂祖謙標目修

解題曰范祖禹曰中國之有夷狄猶晝之有夜陽之

有陰君子之有小人也中國失政四夷交侵先王所

以御之者曰而難任人蠻夷率服曰無怠無荒四夷

來王蓋柔遠能邇治內安外而殊俗之嚮慕不以利

誘不以威脅而自至矣故不勞民不費財至於後世之君或讐疾而欲殄滅之或愛悅而欲招來之二者皆非也何則彼雖夷狄亦人類也王者於天地間無所不養況人類而欲殘之乎殘之尚不可況不勝而欲自殘其民乎仁人之所不為也為之者秦始皇是也山川之所限風氣之所移得其地不可居得其民不可使列為州縣是崇虛名而受實弊也且得之既以為功則失之必以為恥其失不在於已則在於子

孫故有征討之勞饋餉之煩民不堪命而繼之以亡

隋煬帝是也人君類忽近而喜遠厭故而喜新雖或

未至於亡而常與之同事其累德豈細哉事見通鑑

丁酉詔以來歲二月有事於泰山

以新舊紀修

丁丑皇太子

釋菜於太學

新紀

三月戊子遣武衛大將軍牛進達等為

行軍大總管率三總管兵伐高麗

以新紀通鑑修

夏四月乙丑

作翠微宮

以新舊紀修

丙寅置燕然都護府

以呂祖謙標目修

五月

戊子帝幸翠微宮

以新舊紀修

庚戌李勣克南蘇木底城

新紀

六月癸亥長孫無忌遙領揚州都督

以通鑑舊紀修

秋七月乙

未牛進達克石城

新紀

庚子作玉華宮庚戌還宮

以呂祖謙標目修

解題曰玉華宮在坊州宜君縣北四十里鳳凰谷永徽廢為寺縣治古投柵城北谷蓋因鳳凰集投柵得名也

八月壬戌河北水災停封禪

以舊紀通鑑修

解題曰晁補之曰太宗始排羣議欲守儉約賢君仁人之言也請者不已後卒議行徒以星變水災而止

太宗好大喜功不憚萬里伐高麗况封禪耶使其本
心薄之而不為雖舉天下以勸我何有哉既行而以
事輟則特不得已耳語曰智及之仁不能守之太宗
之謂矣事見通鑑

立子明為曹王尋以為巢刺王元吉後

以通鑑修

解題曰唐仲友曰觀魏徵辰嬴王珪郭亡之諫知後
世必有武氏楊氏之事矣事見通鑑

戊戌發江南所造船伐高麗

以通鑑修

冬十月癸丑褚遂良

罷新紀

十一月突厥車鼻可汗入貢

以通鑑修

癸卯徙順陽

王泰為濮王

以通鑑修

十二月戊寅遣驍衛大將軍契苾何

力為行軍大總管率三總管兵伐龜茲

以新紀修

唐太宗文武皇帝貞觀二十二年春正月庚寅馬周薨

以新紀修

解題曰唐仲友曰周銳敏多中機會與太宗性合其

得君過房杜而人才不及矣

戊戌帝幸溫湯

以新紀修

己亥中書舍人崔仁師為中書侍

郎參知機務

以通鑑修

丙午遣武衛大將軍薛萬徹為大總

管伐高麗

以新紀修

長孫無忌檢校中書令知尚書門下省

事

新紀

戊申還宮

以新紀修

二月褚遂良起復

以新紀修

乙亥帝

幸玉華宮

以新紀修

流崔仁師於連州

以新紀修

三月充容徐惠

以帝東征西討營繕相繼服玩華靡上疏諫

以通鑑修

解題曰唐仲友曰數調兵討定四夷稍稍治宮室勞

役百姓隋亡以此二事之極也惟魏徵嘗言之然於

用兵亦不極諫而惠之疏乃及於此可謂切中時病

矣事見通鑑

夏四月丁巳武侯將軍梁建方破松州蠻

以新紀修

五月右

衛率長史王玄策平天竺

以呂祖謙標目修

秋七月命劔南造

船伐高麗

以呂祖謙標目修

解題曰唐仲友曰昔漢武平四夷惟匈奴天下共其勞其他各止一方太宗征遼之役固已天下共勞矣今舟楫糧械之役齊蜀與越皆同其擾信乎兵者民之殘財之蠹也事見通鑑

壬辰殺華州刺史李君羨

以呂祖謙
標目修

癸卯梁文昭公房

玄齡薨

以呂祖謙
標目修

解題曰按舊史列傳玄齡謂諸子曰今天下清謐惟東討高麗不止為國患主上含怒意決臣下莫敢犯顏吾知而不言則銜恨入地遂抗表諫曰臣聞兵惡不戢武貴止戈今上古所不臣者陛下皆臣之矣惟高麗歷代逋誅陛下責其弑逆親總六軍問罪遼碣未經旬月即拔遼東虜獲數十萬計比功較德萬倍

前王且陛下拔將於行伍之中取士於凡庸之末遠
夷之使一見不忘小臣之名未嘗再問加以留情墳
典屬意篇什筆邁鍾張辭窮班馬撫萬姓以慈遇羣
下以禮褒秋毫之善解吞舟之網逆耳之諫必聽膚
受之訴斯絕降乘吮思摩之瘡登堂臨魏徵之柩哭
戰亡之卒則哀動六軍負填道之薪則精感天地衆
美兼備臣深為陛下惜之重之愛之寶之易曰知進
退存亡而不失其正者其惟聖人乎傳曰知足不辱

知止不死陛下威名功德亦可足矣拓地開疆亦可
止矣邊夷賤類古者以遐荒視之宜從闊絕若必欲
絕其種類恐獸窮則搏

師還鞞鞞犯陳亦可見矣

且陛下每決一

死囚必三復五奏進素食停音樂以人命之重為之
感動也今士無一罪驅之行陣委之鋒刃肝腦塗地
魂魄無歸老父孤兒寡妻慈母望輜車而掩泣抱枯
骨以摧心足以變動陰陽感傷和氣使高麗違失臣
節誅之可也侵擾百姓滅之可也長能為中國患除

之可也今無是三者而坐敝中國為舊主雪恥新羅
報仇非所存者小所損者大乎願下沛然之詔許高
麗自新焚凌波之船罷應募之衆自然華夷慶賴遠
肅邇安臣死且不朽餘見通鑑宋祁贊曰太宗取孤
隋攘羣盜天下已平用玄齡如晦興大亂之餘紀綱
彫弛而能興仆植僵使號令典刑粲然罔不完具雖
數百年猶蒙其功可謂名宰相然求所以致之之蹟
殆不可見何哉唐柳芳有言帝定禍亂而房杜不言

功

唐仲友曰太宗折淮安王明二人之功與蕭何類

王魏善諫而房杜讓其

直

唐仲友曰禹曰予何言予思日孜孜是遯臯直益贊於禹禹拜昌言曰兪是遯益直伊尹相湯仲虺

咎單作書傳說相高宗祖已作訓古大臣相成大率如此

英衛善兵而房杜濟以

文

唐仲友曰事有出於人主之所好所能者人臣非助之為難全之為難也太宗好兵而能於兵英衛

助太宗者也房杜濟太宗者也雖然使房杜有伊周之學能興三代之制度以副太宗之所好彼其自喜宜何如而豈復快心於一高麗哉號令典刑悉因隋舊僅得魏徵仁義之說以輔之固足濟太宗之武使不至於如隋終豈免於偏勝封建井田肉刑明堂之屬不能建明而顧以空言止高麗之伐哉

持衆美

效之君是後新進更用事玄齡身處要地不吝權善

始以終此其成大名者諒其然乎如晦任事雖淺

觀玄齡許與及帝所親款則謨謀果有大過人者方

君明臣良志叶議從相資以成事固千載一遇蕭曹

之勲不足進焉

唐仲友曰自王迹熄至秦極壞故漢承秦為難魏太和復古至隋頗備唐

承隋為易故號令典刑唐若可以過漢者所因不同也

雖然宰相所以代天者

也輔贊彌縫而藏諸用使斯人由而不知唐仲友曰

太宗與房杜君臣之契謂之明良相逢可矣而古之

王者必有師臣湯之於伊尹武王之於尚父是也故

能以道正君格其非心以登堯舜之盛房杜之於太宗可以為名相矣未可以為畏相也故高麗之伐危懼之疏不能已也至於魏徵輔贊彌縫雖未可與房杜比而畏相之風則頗有之經世之材佐之創業正君之道輔之守成茲其所以為太宗二子之不能相兼亦其所以止於太宗歟

八月己酉朔日有食之

新紀修

九月庚辰崑立道行軍總

管阿史那杜爾及薛延陀餘部戰敗之

以新紀修

己亥褚遂

良為中書令

以呂祖謙
標目修

壬寅眉邛雅三州獠反

新紀冬

十月癸丑帝還宮

以通鑑修

十二月阿史那社爾平龜茲閏

月擒其王

以呂祖謙
標目修

唐太宗文武皇帝貞觀二十三年夏四月己亥帝幸翠

微宮

以新舊
紀修

五月戊午出李勣為疊州都督

以呂祖謙
標目修

解題曰按新史列傳勣既忠力帝謂可托大事後留

宴顧曰朕思屬幼孤無易公者公昔不遺李密豈負

朕哉勣感涕因嚙指流血俄大醉帝因解衣覆之帝

疾謂太子曰爾於李勣無恩今以事出之我死宜即

授以僕射彼必致死矣乃授疊州都督

唐仲友曰太宗出之使高

宗用之得其死力此尤可笑豈有社稷臣而以用舍易其心哉太宗之意不過謂名將無過於勣慮中外有變高宗得其用詎知女戎起於宮壺非勣不學之所能止哉

辛酉衛景武公李靖卒

以通鑑修

解題曰唐仲友曰靖自囚上急變君臣之義也勣不負李密意氣之交也太宗逆取順守不過假仁義是以重意氣之交深託李勣至於知君臣大義如靖者

不免於讒毀賴靖忠智有以自明耳太宗之知人失於此矣

己巳帝崩長孫無忌褚遂良受遺詔輔太子

解題曰按新舊史列傳帝疾甚召長孫無忌入卧内帝引手捫無忌頤無忌哭帝感塞不得有所言翌日與遂良入受詔謂之曰漢武寄霍光劉備託諸葛聯之後事一以委卿太子仁孝卿之所悉須盡誠輔佐永保宗社謂太子曰無忌遂良在汝無憂矣顧遂良

曰無忌盡忠於我我有天下多此人力爾輔政無令
讒毀者害之因命遂良草詔餘見通鑑唐仲友曰漢
高祖謂陳平智有餘王陵可以輔之安劉氏者必周
勃故雖有呂氏之難而社稷不搖高祖知人之審蓋
以大度得之太宗屬意於李勣用無忌遂良而以許
敬宗李義府參之敬宗卒附武氏李勣勸成其事唐
祚幾移太宗素有知人之鑒蓋闇於多欲也

庚午奉大行還京師辛未禮部尚書兼太子少師于志

寧為侍中太子少詹事張行成兼侍中檢校刑部尚書

兼右庶子高季輔兼中書令六月甲戌朔皇太子治即

皇帝位以遺詔罷遼東及土木之役

以新舊紀及通鑑修

丁丑李

勣為特進檢校洛州刺史癸未長孫無忌為太尉癸巳

勣為開府儀同三司參掌機密

以新紀傳修

秋八月河東地

震晉州尤甚

以新舊紀修

庚寅葬文帝於昭陵廟號太宗

以舊

紀修

解題曰曾鞏曰太宗屈已從諫仁心愛人可謂有天

下之志以租庸任民以府衛任兵以職事任官以才能任職以尊本任衆操於上者要而不繁取於下者寡而易供民有農之實而兵之備存兵有兵之名而農之利在事之分有歸而祿之出不浮材之品不遺而治之體相承其廉恥日以篤其田野日以闢其法修則安且治廢則危且亂可謂有治天下之材行之數歲粟米斗至數錢居者有餘蓄行者有餘貲人人自厚幾於刑措可謂有治天下之效然而不得與先王

並者法度之行擬之先王未備也禮樂之具田疇之
制擬之先王未備也躬親行陣之間戰必勝攻必克
天下莫不以為武而非先王之所尚也四夷萬國古
所未及以政者莫不服從天下莫不以為盛而非先
王之所務也太宗之為政於天下者得失如此

實華音訓

昭陵在醴泉縣
六十里九峻山

九月乙卯李勣為左僕射同中書門下三品

以舊
紀修

解題曰僕射同三品自此始孫甫曰唐采魏晉之制

以僕射侍中中書令為正宰相僕射二品侍中中書
令三品李勣自尚書授詹事詹事卑於尚書藉其輔
翼太子故授之同中書門下三品使得與聞國政此
侍中中書令之任也今勣授開府儀同三司從一品
又改僕射從二品而反同三品故蘇冕會要駁其事
曰豈不與立號之意乖乎永隆崔知溫薛元超除中
書令而曰同中書門下三品又大乖也杜佑以裴炎
為正議大夫守侍中崔知溫為正議大夫中書令劉

景先為中大夫侍中並同中書門下三品當以階卑官高
令所給祿秩同三品耳據此似非位署後同三品者
止記初命率不以為位號也

冬十一月乙丑晉州地震

新紀修

唐高宗皇帝永徽元年春正月辛丑改元

以新舊紀修

丙午

立妃王氏為皇后

以舊紀修

張行成為侍中

新紀修

日引刺史

十人入閣問民疾苦時長孫無忌褚遂良同心輔政有

貞觀之風

以通鑑修

二月立子三人為王

以本紀修

夏四月己巳

朔晉州地震

以新紀修

解題曰胡寅曰隋煬帝立為太子天下地震其事未遠高宗必聞之矣即位纔逾兩月而地震於晉陽又荐震於晉州天之示戒深矣高宗曾無恐懼修省之心使其推類而求克正厥事則武氏必不入宮禍原自弭矣當時大臣亦無一言致戒欲銷去之者茲非闕失之大歟

六月庚辰晉州地震

新紀

秋九月置單于瀚海二都護

府

以呂祖謙
標目修

冬十月戊辰李勣罷左僕射

新紀

十一月

己未褚遂良罷為刺史

以通鑑修

唐高宗皇帝永徽二年春正月乙巳黃門侍郎宇文節

中書侍郎柳奭同三品

新紀

瑤池都督阿史那賀魯叛

自稱可汗

以新紀修

秋七月賀魯寇庭州武衛大將軍梁建

方驍衛大將軍契苾何力為行軍總管以討之

以新紀修

明

堂以高祖配五天帝太宗配五人帝

以通鑑修

八月己巳于

志寧張行成為左右僕射同三品高季輔為侍中

以通鑑修

九月癸巳廢玉華宮更命九成宮為萬年宮

以通鑑修

十月

晉州地震

新舊紀

十二月壬子處月朱耶孤注叛附於賀

魯

以新紀修

唐高宗皇帝永徽三年春正月梁建方等大破處月朱

耶孤注於牢山

以通鑑修

解題曰此後唐之先也詳見元和二年解題新史地

理志堅昆部落有牢山點戛斯傳牢山亦曰賭蒲距

回鶻舊衙度馬行十五日

實華音訓謂即平晉縣之牢山誤也

己巳褚遂良為吏部尚書同三品

以通鑑修

二月甲寅帝御

安福門觀百戲

以通鑑修

解題曰范祖禹曰高宗即位之初問民疾苦尊禮輔相蔡道裕希旨而自責行已之不足觀胡人進戲而知所好之不可不謹豈不足為賢君哉不數年而悖繆昏惑卒成武氏之篡何哉初親賢後用佞也可不

戒哉事見通鑑

六典皇城西南二門北曰安福

三月宇文節為侍中柳奭守中書令

新紀

夏四月兵部

侍郎韓瑗為黃門侍郎同三品

新紀

秋七月丁巳立陳王

忠為皇太子

新紀


解題曰按舊史列傳王皇后無子后舅柳奭以忠母
微立之必親已后然之奭以褚遂良韓瑗諷長孫無
忌于志寧等固請立忠為儲后帝許之夫立子以嫡
否則以賢今忠既非嫡又非賢而強欲立之柳奭不
足道也遂良韓瑗亦何不思之甚耶餘見通鑑

九月中書侍郎來濟同三品

以新紀修

冬十月癸巳濮王泰

覺以通鑑舉
要歷修



大事記續編卷五十一

欽定四庫全書

史部

大事記續編卷五十二
五

詳校官檢討

臣朱依吳

編修

臣裴謙履勛

總校官編修

臣倉聖脉

校對官助教

臣胡予襄

謄錄監生

臣李 標

謄錄舉人

臣鍾廷瑛

欽定四庫全書

大事記續編卷五十二

明 王禕 撰

唐高宗皇帝永徽四年春二月甲申駙馬都尉房遺愛薛萬徹柴令武高陽巴陵公主謀反伏誅殺司徒荆王元景吳王恪流宇文節太常卿江夏王道宗於嶺表廢恪母弟蜀王愔為庶人

以新紀宋
嘉綱目修

解題曰胡寅曰唐起晉陽裴劉之謀太宗承統房杜之策也是其富貴安榮當興有唐相終始而禍敗之

及或在其身或在其子孫何也裴寂以孤貧為歎文
靜在縲紲之中贊唐公父子起事非有拯亂救時之
畧亦欲自免因圖富貴而已房杜固非裴劉所敢班
然太白經天之際密進籌畫使太宗手剪兄弟并殺
其子此不但陳平之陰謀而已其宗嗣不延宜哉故
四族既殞而唐之子孫亦幾殲於武氏善惡之積各
以其類詎不信夫無忌因遺愛之獄濫及吳王遂良
所宜救止也既不能然復以素不相協而斥道宗其

不能保終而來讒口有以哉事見通鑑

己亥李勣為司空

以新舊紀修

秋八月己亥隕石十八於馮

翊有聲如雷

以舊紀修

解題曰高宗問此何祥也朕欲悔往修來以自戒若何志寧對曰春秋隕石於宋五內史過曰是陰陽之事非吉凶所生物固有自然非一繫人事雖然陛下無災而戒不害為福也唐仲友曰唐人大抵不謹天戒故言災異多操適然之說志寧之論即姚崇之言也

以姚崇之說告明皇猶不可而況以志寧之說告高宗乎志寧不諫武后之事已兆於此

九月壬戌北平定公張行成薨甲戌褚遂良為右僕射

以新舊紀
通鑑修

冬十月庚子帝幸溫湯乙巳還宮

以新舊紀修

十

一月癸丑兵部尚書崔敦禮為侍中丁巳柳奭為中書

令以新紀修

十二月庚子修憲公高季輔薨

以通鑑修

以太宗才

人武氏為昭儀

以新舊大紀
傳通鑑修

唐高宗皇帝永徽五年春三月戊午帝幸萬年宮次鳳泉

湯

以新舊
紀修

解題曰鳳泉湯在鳳翔府郿縣

武昭儀欲追贈其父士彥庚申加贈武德功臣等

以通
鑑修

夏閏四月丁丑大雨漂溺麟游縣民及衛士三千餘人

以舊

紀修六月癸亥柳奭罷

新紀

丙寅河北大水

新紀

秋九月丁酉

帝還宮

以通
鑑修

冬十月癸卯禁京師外郭三十日罷

以新舊
紀修

解題曰按唐六典宋敏求河南志京城

東西十八里
一百一十五

步南北十五里一百七
十五步亦曰外郭城

南三門中明德左啟夏右安

化東三門中春明北通化南延興西三門中金光北

開遠南延平皇城在京城之中

東西五里一百一十五步南北三里一百

四十步今謂之子城

南三門中朱雀左安上右含元東二門北

延喜南景風西二門北安福南順義宮城在皇城之

北北抵苑

東西四里南北二里二百七十步

南三門中承天東長樂

西永安太極宮南六門南承天承天門東長樂次東

廣運北重明次東永春承天門西永安大明宮在禁

苑之東南接鳳城之東北隅南五門正南丹鳳東望

仙次延政西建福次興安紫宸殿東太和門西日營

門北玄武門當皇城朱雀門有南北大街萬年領街

東五十四坊及東市長安領街西五十四坊及西市

是歲大稔

以通鑑修

帝幸長孫無忌第官其三子議立武昭

儀為后無忌不可

以呂祖謙標目修

唐高宗皇帝永徽六年春正月壬申朔帝謁昭陵甲戌

還宮

以通鑑修

庚寅立子二人為王

以本紀修

二月乙丑營州都

督程名振等伐高麗

以新紀修

夏五月癸未遣屯衛大將軍

程知節等為行軍大總管伐賀魯以新舊紀修壬辰韓瑗為

侍中來濟為中書令秋七月乙酉崔敦禮為中書令以新紀修

紀修中書舍人李義府請廢皇后立武昭儀遷中書侍郎

參知政事以新紀修八月初置員外同正員以通鑑修

解題曰按通典以蔣孝璋為尚藥奉御員外特置仍

同正員自是員外官復有同正員者同正員者唯不給職由其祿奉

賜會與正官同單言員外者則祿奉減正員之半

九月戊辰以許敬宗為禮部尚書以通鑑修

解題曰唐仲友曰太宗好兵之禍天道好還故以武
后斲喪唐室而敬宗義府為之羽翼殆有不可得而
去者豈人力哉

帝欲立武昭儀褚遂良韓瑗來濟爭之李勣曰陛下家
事何必問外人庚午貶遂良為潭州都督冬十月己酉
廢皇后為庶人乙卯立武氏為皇后

以新紀及通鑑舉要歷修

解題曰語曰涓涓不止將成江河兩葉不去將用斧
柯遂良當武氏入為昭儀之時既不能引禮廷諍以絕

其萌及掖庭怙寵之際又不能陳義力諫以決其去
至於惡焰既成且將奪嫡然後言其託體先帝雖叩

頭流血無及矣事見通鑑

按舊史紀新史傳高宗雖特置宸妃欲以處武氏然

未嘗居其位也新紀書宸妃武氏為皇后誤也高宗欲立武氏李世勣曰此陛下家事何須問外人高宗之意遂定而武氏之禍至於東唐社稷豈非一言而喪邦乎及武氏既篡承嗣三思求為太子而扶仁傑爭之甚力后曰此朕家事卿無預知是無異於世勣之言也仁傑則曰王者以四海為家四海之內孰非臣妾何者不為陛下家事君為元首臣為股肱義同一體況臣備位宰相豈不與知此言既發廬陵王還而唐室復歸於李氏豈非一言而興邦乎興喪之言特在反覆手之間耳

是冬皇后殺王庶人

新紀

唐高宗皇帝顯慶元年春正月辛未廢皇太子忠為梁

王立子代王弘為皇太子

以呂祖謙
標目修

壬申改元

以新舊
紀修

解題曰宋庠紀年通譜立太子故改元孫甫曰人君

即位之年謂之元年漢文惑方士之言始亂古制孝

武因事別立年號歷代因之唐武德貞觀雖為年號

亦終其身高宗不奉祖宗之法而改元何也

二月辛未贈武士彠司徒周國公

以呂祖謙
標目修

三月戶部

侍郎杜正倫為黃門侍郎同三品

以新舊紀修

夏六月辛亥

以高祖配圓丘太宗配明堂

以通鑑修

秋七月癸未崔敦禮

為太子少師同三品八月丙申薨

以新紀通鑑修

辛丑程知節

敗賀魯所部於榆幕谷

以新紀修

侍御史王義方劾李義府

貶為萊州司戶

以通鑑舉要歷修

九月程知節敗賀魯於怛篤

城

以新紀修

唐高宗皇帝顯慶二年春閏正月壬寅帝幸洛陽

以新舊紀

修庚戌遣屯衛將軍蘇定方等為行軍總管伐賀魯

以新

修紀

二月封子顯為周王

以新紀修

三月癸丑褚遂良徙桂州

都督

以通鑑修

李義府兼中書令

以新舊紀修

夏五月丙申帝幸

明德宮庚子始隔日視事

以新舊紀修

秋七月丁亥朔帝還

洛陽

以通鑑修

八月許敬宗誣韓瑗來濟與褚遂良謀反并

柳奭皆貶遠州刺史

以稽古錄修

詔廢六天之祀合方丘神

州為一祭

朱熹綱目

辛未許敬宗為侍中九月庚寅兼度支

尚書杜正倫兼中書令

以新舊紀修

冬十一月戊戌帝如許

州

以新紀修

十二月乙卯帝還洛陽

以通鑑修

丁巳蘇定方敗賀

魯於金牙山執之分西突厥地為兩可汗

以呂祖謙
標目修

丁

卯以洛陽為東都

新紀

解題曰按新史地理志注皇城長千八百一十七步

廣千三百七十八步周四千九百三十步其崇三丈

七尺曰太微城官城在皇城北長千六百二十步廣

八百有五步周四千九百二十一步其崇四丈八尺

曰紫微城武后號太初宮都城前直伊闕後據邙山

左瀍右澗洛水貫其中東五千六百一十步南北五

千四百七十步西連苑北自東城而東二千五百四十步周二萬二千五十步其崇丈有八尺武后號曰

金城

禁僧尼受父母及尊者拜

以通鑑修

吏部侍郎劉祥道以每

年入流過一千四百請年別入流者五百人不報

以呂祖謙

修標目

解題曰按通典新史列傳祥道父林甫知選事既世職乃釐補敝闕上疏一曰今選司取士入流歲千四

百多也雜色入流未始銓汰濫也

通典雜色解文三
衛內外行署內外

蕃官親事帳內品子在掌伎術直司書手兵部品子
兵部散官勲官記室及功曹參軍檢校官屯副驛長

校尉
牧監

經生時務等比雜色人三分不居其一其雜色

應入流人切責有司試判為四等第一等付吏部第

二等付兵部第三等付主爵第四等付司勲則官不

雜矣二曰內外官一品至九品萬三千六百四十五

員不過三十年畧盡若年別入流者五百人

入流歲
千四百

所減幾三
分之二

足充所須之數今入流歲千四百其倍兩

之又停選常六七千人復年別新加望請釐革

蘇冕曰今

河西隴右虜盜其境河北河南間不上計員數比天寶二分減一入流比天寶三分加一須造格阻進士子一年守官十年待選欲吏有善稱不可得也若比祥道所述豈不十倍更弊乎 三曰入流

以三分論二分取明經進士一分取雜色人四曰庠

序五曰唐有天下未嘗舉秀才請加搜訪六曰請四

考進階八考聽選以減迎新送故之弊七曰三省都

事主事主書皆取流外有刀筆雖欲用士流率以儔

類為恥宜稍革之杜正倫亦言入流者衆詔與祥道

參議而執政憚改作又以勲戚子進取無他門遂格

通典舊史傳魏玄同為吏部侍郎垂拱中疏曰周穆王以伯冏為太僕正命曰慎簡乃僚王命其大者而自擇小者漢諸侯得自置吏其傳相大官則漢為置之州郡掾吏督郵從事悉任之於牧守爰自魏晉始歸吏部相襲迄今用刀筆以量下按簿書以察行至乃為人擇官為身擇利顧親疎而下筆看勢要而措情使百行九能折之於一面具僚庶品專斷於有司不亦難矣今諸色入流歲以十計羣司列位無復新加官有常員人無定限選集之始霧集雲屯擢叙於終十不收一貴戚子弟例早求官弘文崇賢千牛輩脚之類課試既淺藝能亦薄少仕則廢學輕試則無才又勲官三衛流外之屬不待州縣之舉直取書判恐非先德後言之義也葉適曰後學但稱陸贄而未知玄同之論比贄尤精確新史刪其文故觀者莫辨

唐高宗皇帝顯慶三年春正月戊子頒新禮

以舊紀修

二月

甲戌帝還京師

以新紀修

夏五月癸未徙安西都護府於龜

茲以舊安西府為西州都督府

以舊紀通鑑修

解題曰王容曰明年以庭州司馬崔智於西州分置

州縣龜茲國內置西夜罽陵虞泉崦嵫寫鳳鳥飛犂

凡七州九縣改龜茲為都護府王為都護都督境內

一千五百里

冬十一月乙酉貶李義府杜正倫為刺史戊戌許敬宗

為中書令大理卿辛茂將兼侍中

以新紀修

是歲褚遂良卒

呂祖謙
標目

唐高宗皇帝顯慶四年夏四月于志寧為太子太師黃

門侍郎許圜師並同三品

以新紀修

許敬宗誣長孫無忌謀

反戊辰流之黔州追削褚遂良官爵除柳奭韓瑗名罷

于志寧

以通鑑修

解題曰胡寅曰人主之感讒言由不知其人之為蔽

耳高宗於許敬宗非不知其人也如敬宗修實錄移

威鳳賦事明知不足信况鞠獄之際於事外言所嫉
之人大罪詎可信乎無忌親則元舅位則三公忠亮
許國一姦人譖之不自臨問遂竄遐裔此非不知敬
宗之誣謗正快嬖者之意爾不惟昏塞之過實不孝
不仁之甚也事見通鑑

五月丙申兵部尚書任雅相度支尚書盧承慶參知政

事

以新舊
紀修

殺涼州刺史趙持滿

以通
鑑修

六月更修姓氏錄

以通鑑
錄目修

秋七月殺長孫無忌柳奭韓瑗已死並褚遂良

皆籍之以通

鑑修

解題曰唐仲友曰甚矣家法之當正而天道之好還也隱巢之事太宗適處其不幸高祖不早為之定分事勢急迫而無忌決其謀太宗為之太過至承乾以逆泰以窺望兩棄晉王以母弟次立太宗病其柔懦屬意吳王竟以無忌諫止吳王初無覬心也無忌誣而殺之太宗之子賢者死才者廢而高宗竟以昏懦政歸武氏唐宗室連頸受戮者數千百人無忌始以

舅甥立晉王而敬宗之誣昏不省錄無忌族滅竟如
吳王臨終之言悲夫事見通鑑

八月壬子李義府為吏部尚書同三品以新舊紀修冬閏十

月戊寅帝幸東都以新舊紀修十一月丙午許圜師為散騎

常侍檢校侍中以新舊紀修戊午辛茂將卒以宰相表修賀魯部悉

闕結俟斤都曼反驍衛大將軍蘇定方伐之以新舊紀修盧承

慶同三品以新舊紀修是歲蘇定方擒都曼以新舊紀修

唐高宗皇帝顯慶五年春正月甲子帝幸并州以新舊紀修

二月甲午祠舊宅三月丙午皇后宴親族鄰里於朝堂

會命婦於內殿

以新紀修

遣武衛大將軍蘇定方為行軍大

總管率三將軍及新羅兵伐百濟

以新紀修

解題曰按通典新史東夷傳百濟即漢末夫餘王尉

仇台之後直京師東六千里而羸西界越州南倭北

高麗皆踰海乃至東新羅餘衆後漸寡弱土地盡沒

於新羅鞬鞞百濟遂絕

夏四月癸巳帝還東都

以通鑑修

五月造合璧宮

以通鑑修

戊辰

定襄都督阿史德樞賓等為行軍總管伐契丹

以新紀修六

月庚午朔日有食之

以新舊紀修

秋七月乙巳廢梁王忠為

庶人徙黔州

以通鑑目錄修

戊辰盧承慶罷

以通鑑目錄修

八月庚午

蘇定方等平百濟擒其王

以呂祖謙標目修

冬十月始命皇后

決政事

以呂祖謙標目修

十一月甲寅帝如許州十二月辛未

獵於安樂川己卯如東都

以新紀修

壬午遣驍衛大將軍契

苾何力等行軍三大總管伐高麗

以新紀修

唐高宗皇帝龍朔元年春二月乙未改元

以新舊紀修

解題曰宋庠紀年通譜益綿等州皆言龍見故改元

以協瑞

三月百濟故王子豐據故地

以呂祖謙
標目修

夏四月庚辰遣

任雅相等行軍六總管率三十五軍伐高麗

以新
紀修

甲午

晦日有食之

以新舊
紀修

秋八月甲戌平壤道總管蘇定方

敗高麗兵於湏江圍平壤城

以呂祖謙
標目修

解題曰竇革音訓湏江出樂浪郡平壤依湏水立城

今高麗以為西京

冬十月帝畋於陸渾又畋於非山

以通鑑修

回紇犯邊遣武

衛大將軍鄭仁泰等行軍三大總管伐之

以新紀修

解題曰回紇侵犯始於此事見通鑑

唐高宗皇帝龍朔二年春二月甲子改官名

以呂祖謙標目修

甲戌任雅相卒於軍蘇定方等還

以舊紀修

三月庚辰鄭仁

泰等敗鐵勒於天山

以新紀修

夏四月庚申帝還京師

以新舊紀修

辛巳作蓬萊宮

新紀

解題曰石定叟曰貞觀八年置永安宮九年曰大明

龍朔始大興葺曰蓬萊宮咸亨元年曰含元宮上元
元年復曰大明宮第一殿曰含元第二殿曰宣政紫
宸又在其後延英在紫宸殿之東在西內東北故曰
東內

六月乙丑初令僧道致敬父母

以呂祖謙
標目修

秋七月右威衛

將軍孫仁師為行軍總管伐百濟

以新
紀修

八月壬寅許敬

宗為太子少師同三品

以新舊
紀修

冬十月丁酉帝幸溫湯

丁未還宮

以通
鑑修

庚戌西臺侍郎上官儀同三品

以新舊
紀修

十一月辛未許圜師罷

以通鑑修

癸酉封子為王

以新紀修

十二

月右衛將軍蘇海政為行軍總管伐龜茲與西突厥繼

往絕可汗殺興昔亡可汗其衆歸吐蕃

以通鑑目錄修

是歲西

突厥寇庭州刺史來濟死之

以朱熹綱目修

唐高宗皇帝龍朔三年春正月乙丑李義府為右相

新

紀二月減百官俸一月賦雍同等十五州民錢作蓬萊

宮

以新紀修

徙燕然都護府於回紇更名瀚海徙故瀚海都

護於雲中更名雲中分主磧北南

以呂祖謙標目修

解題曰程大昌曰唐太宗降滅北虜不止一國皆列郡縣遙羈縻之小則為州大則為都督府皆用其酋長其或款塞內附亦度邊障而居之貞觀二十一年置燕然都護府凡州與都督皆統之龍朔三年兩都護府夾磧而立磧北隸瀚海領頡利車鼻回紇之衆磧南隸雲中領來降之在塞內者瀚海直豐勝二州間總章改為安北大都護府雲中麟德改為單于大都護府是後改易尚多史紀其效曰自立府二十年

北方無戎馬警事見通鑑

夏四月流李義府於雋州

新紀

丙午帝移御蓬萊宮更

命故宮曰西內

以呂祖謙
標目修

五月吐蕃擊破吐谷渾遣涼

州都督鄭仁泰為行軍大總管救之

以新
紀修

解題曰吐谷渾自晉永嘉有國至吐蕃取其地凡三

百五十年及此封嗣絕矣事見通鑑

秋八月癸卯彗星出於左攝提

以新
紀修

罷三十六州所造

船遣大使按察十道

以新紀
通鑑修

九月孫仁師敗百濟平之

以呂祖謙
標目修

冬十二月庚子改來年元

以新舊
紀修

唐高宗皇帝麟德元年春正月甲子改雲中都護府為

單于大都護府

以呂祖謙
標目修

解題曰宋庠紀年通譜前歲麟再見故改元

二月戊子帝如萬年宮秋七月詔以三年正月封禪八

月壬午還宮

以新舊紀
通鑑修

丁亥司列太常伯劉祥道兼右

相大司憲竇德玄為司元太常伯兼檢校左相

新紀皇

后專恣帝與上官儀議廢之事洩冬十二月丙戌歸罪

於儀而殺之戊子殺庶人忠罷劉祥道自是上每視事

則后垂簾於後大權歸中宮矣

以新紀舉要
歷修

太子右中護

樂彥璋西臺侍郎孫處約同知軍國政事

以新紀
及表修

唐高宗皇帝麟德二年春二月壬午帝幸東都

以舊
紀修三

月甲寅司戎太常伯姜恪同東西臺三品

以新
紀修

辛未東

都乾元殿成

舊紀

解題曰河南志乾元門內正殿隋之乾陽殿麟德造

乾元殿長壽二年改造明堂開元元年改乾元殿十年

為明堂

閏三月癸酉日有食之

以新紀修

夏四月戊辰左侍極陸敦

信檢校右相孫處豹樂彥璋罷

新紀

五月辛卯頒麟德

歷

以舊紀修

冬十月壬戌帶方州刺史劉仁軌為大司憲兼

知政事

新紀

丁卯帝如泰山

以新紀修

大有年

新紀

唐高宗皇帝乾封元年春正月戊辰朔封泰山庚午禪

社首皇后亞獻壬申改元

解題曰宋庠紀年通譜乾字讀作乾坤之乾封以封

禪為義孫甫曰太宗以功德平治天下賢才在位法
度施張刑罰幾措歲時屢穰四夷帖服尚以封禪盛
德之事慮已所為未當天心高宗在位雖賴先帝遺
德生民安業奈姦人亂政忠賢竄戮太子廢殺中官
垂簾有何功德可以告成蓋徇后之欲舉希濶儀物
夸耀天下耳登封之後歲饑民困日食彗見豈非功
德之薄妄告於天勞費民力干動和氣所致歟姦人
預慮天時不順先引漢乾封故事建為年號以歲旱

為乾封則民之饑困災變頻仍果天祐哉事見通鑑

賜文武官階勲爵

以新紀
通鑑修

解題曰十月之交曰皇甫卿士番維司徒家伯冢宰
仲允膳夫聚子內史蹶維趣馬檮為師氏艷妻煽方
處幽王之時小人之所以滿朝而官爵所以多濫者
由艷妻之方處也文武之朝有任姒以居內則官爵
曷至是哉貞觀之初內治有長孫皇后雖以無忌之
賢而皇后尚請不使久居寵位則朝廷之名器宜其

無汎加者矣永徽之際內有武后而義府敬宗之徒聚於朝廷之上則官有汎階而末年服緋者滿朝以敗太宗之典刑亦其宜也事見通鑑

李義府卒

以呂祖謙標目修

辛卯帝幸曲阜祠孔子贈太師二

月己未至亳州祠老子追號太上玄元皇帝夏四月甲

辰至京師

以新紀修

庚戌陸敦信罷

新紀

五月庚寅鑄乾封

泉寶錢一當十

以通鑑修

高麗泉蓋蘇文死子男生男建相

攻六月壬寅詔武衛大將軍契苾何力將兵援男生

以舊

紀修

秋七月庚午劉仁軌兼右相

以新紀修

八月辛丑竇德玄

薨

以通鑑修

丁未皇后殺其從兄刺史武惟良武懷運

以新紀修

冬十二月己酉遣李勣為行臺大總管率六總管兵伐

高麗

以新紀修

唐高宗皇帝乾封二年春正月帝耕籍田

以通鑑修

罷乾封

泉寶錢

以通鑑修

二月辛丑萬年宮復名九成宮

以舊紀修

禁工

商乘馬

新紀皇極經世

三月戊寅廢生羌十二州

以呂祖謙標目修

夏

六月乙卯西臺侍郎楊弘武戴至德東臺侍郎李安期

司列少常伯趙仁本同東西臺三品東臺舍人張文瓚

參知政事

以新紀修

秋八月己丑朔日有食之

舊紀

辛亥李

安期罷

新紀

九月李勣拔高麗十七城

以朱熹綱目修

唐高宗皇帝總章元年春正月壬子劉仁軌為遼東道

副大總管

以舊紀修

二月戊寅帝幸九成宮

以通鑑修

三月庚寅

改元

以通鑑修

解題曰宋庠紀年通譜頒明堂之制故改元

夏四月丙辰彗星出於五車

以新紀修

辛巳楊弘武薨

以新舊紀

通鑑修

秋八月癸酉帝還宮

以通鑑修

九月癸巳李勣拔平壤

城執其王高麗平冬十月獻於太廟十二月州府其地

置安東都護府統之

解題曰高麗自隋唐以來國數被兵煬帝太宗至於
親臨遼東皆無功而歸而高宗卒克之賈言忠對高
宗謂先帝所以不得志者虜未有釁也諺曰軍無媒
中道回今男生兄弟鬩狼為我鄉導虜之情偽我盡
知之將忠士力是行不再舉矣其說固然然高麗地

止四郡唐自貞觀以來七伐其國何以支梧縱其國

無內釁亦終於亡况男生與其王皆舉國內附乎此

所以能收前人未集之功也

按通典新史列傳高麗出於夫餘先祖朱蒙棄

夫餘至純升骨城居焉號句麗以高為氏漢滅朝鮮以高句麗為縣屬玄菟郡建武復其王號地東跨海距新樂南跨海距佰濟西北渡遼水與營州接北靺鞨去京師五千里而羸其後餘衆不能自保散投新羅靺鞨高氏遂絕

丁卯祀南郊

以呂祖諱標目修

甲戌姜恪檢校左相司平太常

伯間立本守右相

以新紀修

是歲旱

以通鑑修

唐高宗皇帝總章二年春二月辛酉張文瓘及右肅機

李敬玄為東西臺侍郎同三品同三品始入銜以新紀通鑑修

三月丙戌東臺侍郎郝處俊同三品以新紀修丁亥詔定

明堂制度以通鑑修夏四月己酉帝幸九成宮以通鑑修徙高麗

民於江淮山南京西以通鑑修六月戊申朔日有食之以新舊紀

修秋八月甲戌改瀚海都護府為安北都護府以呂祖謙標目修

解題曰長壽元年陳子昂為喬補闕論突厥臣比在

同城接居延海西逼近漢南去月勅於同城權置安

北都護府以招納亡叛扼匈奴之喉其地東西及北
皆是大磧磧並石鹵水草不生突厥所入道莫過同
城今居延澤接張掖河中間堪營田處數百頃水草
蓄牧足供具萬人又甘州諸屯犬牙相接所蓄粟麥
積數十萬田園水利種無不收居延海多有漁鹽強
兵用武之國也

冬十月帝還宮

以通鑑修

十二月戊申英貞武公李勣薨

以通

鑑修

司列少常伯裴行儉設銓注長名姓歷牒

以通鑑修

解題曰手揣輕重則無事乎權衡目量多寡則無事乎斗斛然手揣目量之人不可以多得也故權衡斗斛不可一日廢行儉名姓榜亦銓法之斗斛權衡耳此唐家銓選之法遂可為後世之永制歟事見通鑑

唐高宗皇帝咸亨元年春正月丁丑劉仁軌致仕

以朱
嘉綱

目修三月甲戌朔改元

以新舊
紀修

丁丑建蓬萊宮為含元宮

以呂祖謙
標目修

壬辰許敬宗致仕

以呂祖謙
標目修

夏四月癸卯吐

蕃陷龜茲撥換城廢安西四鎮辛亥遣威衛大將軍薛

仁貴為行軍大總管伐之

以新紀修

解題曰龜茲治白山之南去瓜州三千里貞觀二十

二年閏十二月朔阿史那社爾執龜茲王以歸始徙

安西都護於其都統于闐碎葉疏勒號四鎮于闐在

葱嶺北二百里貞觀二十二年閏十二月內附焉耆

去瓜州二千里貞觀十八年郭孝恪滅之疏勒在白

山之南去瓜州四千六百里貞觀九年內附

蘇冕記咸亨元

年罷四鎮是龜茲于闐焉耆疏勒長壽復四鎮是龜
茲于闐疏勒碎葉四鎮不同蓋焉耆有碎葉城置四

鎮之初固曰統碎葉不曰統焉耆也開元以後十姓可汗請居碎葉城安西節度使湯嘉惠始表以焉耆

鎮備四安西西出拓厥關四百二十里至撥換城一曰

威戎城又七百六十里至碎葉城城北有碎葉水自

碎葉西南渡渾河八百四十里至疏勒鎮自撥換南

而東九百三十里至于聞鎮自焉耆西六百三十里

至安西都護府

帝幸九成宮

以通鑑修

高麗智長叛遣監門衛大將軍高品

等為行軍總管伐之

新紀

六月壬寅朔日有食之

以新舊紀

修
秋七月薛仁貴大敗於大非川以新舊紀修

解題曰十道圖大非川在青海南新史地理志鄯州鄯城縣西南石堡

城經尉遲川苦拔海王孝傑來
柵莫離釋公主佛堂大非川

八月帝還宮以通鑑修閏九月壬子贈武士護為太原王以呂

祖謙標
目修
甲寅姜恪為行軍大總管伐吐蕃以新紀修冬十月

乙未趙仁本罷新紀十二月庚寅官名復舊以新舊紀修是

歲大饑新紀

唐高宗皇帝咸亨二年春正月甲子帝幸東都以新舊紀修

冬十一月甲午朔日有食之舊紀是歲姜恪為侍中閭

立本為中書令新紀

唐高宗皇帝咸亨三年春二月辛丑徙吐谷渾於靈州

其地入吐蕃以呂祖謙標目修己卯姜恪薨新紀秋八月許敬

宗卒以呂祖謙標目修冬十月戊子朔日有食之以新紀修甲辰帝

還京師以通鑑修十二月劉仁軌為太子左庶子同三品新

修紀

唐高宗皇帝咸亨四年春三月丙戌詔劉仁軌等改修

史

以朱熹綱目修

夏四月帝幸九成宮

通鑑

冬十月壬午閭立本

薨

以通鑑修

乙巳帝還宮

以通鑑修

唐高宗皇帝上元元年春正月遣劉仁軌為行軍大總

管伐新羅

以新舊紀修

三月辛亥朔日有食之

以新舊紀修

秋八

月壬辰帝稱天皇后稱天后追尊六代五代祖妣為帝

后增高祖太宗及后諡改元

以新紀呂祖謙標目修

解題曰孫甫曰謚所以尊名也古之天子諸侯卿大

夫善名雖多惟取大善為稱不使名浮於實也歷代

帝王謚號雖不能盡如古制然必以祔廟之始一二
字為定高祖太宗廟號久定而增其名豈禮乎哉二
后號聖神尤乖其實武后欲自尊大妄稱天后高宗
遂稱天皇因追尊祖宗以掩其迹此高宗之過也亦
由大臣有司不守經義逢君之惡所致爾事見通鑑

宋庠紀年通譜追崇祖帝后自稱天帝天后故改元

九月癸丑復長孫無忌官爵

以舊紀修

冬十一月丙午朔帝

幸東都

以新舊紀通鑑修

十二月蔣王惲被誣自殺

以通鑑修

壬寅

天后上便宜十二條其一請加母服

以呂祖謙標目修

唐高宗皇帝上元二年春二月劉仁軌敗新羅兵於七

重城

以新紀修

三月帝欲使天后攝政郝處俊諫乃止

以通鑑修

夏四月己亥天后殺皇太子弘五月戊申追謚為孝敬

皇帝

解題曰按新舊史列傳義陽宣城二公主以母得罪

幽於掖庭

吳縝唐書糾繆曰新書云二公主以母故幽掖庭四十不嫁按高宗以貞觀二年生而

太子弘以上元二年薨高宗方四十八歲爾何緣有四十歲之女當日史臣欲甚武氏之惡不顧事過其

實也今按通鑑改為三十餘
要亦非是惟舊史為得其實

太子見之驚惻遽奏請

令出降武后怒即以當上衛士配之由是失愛又請
以同州沙苑地分假貧民又詔詣東都納右衛將軍
裴居道女為妃帝嘗語侍臣弘仁孝賓禮大臣未嘗
有過而后將騁志弘奏請數拂旨從幸合璧宮遇酖
薨餘見通鑑胡寅曰太子弘幼有美質嘗愛春秋至
商臣事廢書歎曰經籍聖人垂訓而至此何耶郭瑜
對曰春秋義存褒貶故商臣千載而惡名不滅弘曰

非惟口不可道耳亦不忍聞願受他經瑜請讀禮從之弘方志學而心志如此豈非賢乎其死也非有他過特以奏請弗旨嗚呼為人臣子而不知春秋之義者必陷誅死之罪弘之謂矣太子之職問安侍膳此外非所預也君父懦弱昏母后專忍尤當遵養時晦以絕疑忌之萌而輕用其智不自韜默此春秋所禁也使瑜知此教弘以為太子之道豈至於一言違忤而見醜哉范祖禹曰皇帝者有天下之號非所以為贈

也父沒而后子立今父在而追尊其子豈禮也哉蓋
武后謀篡國酖太子而加之尊名以掩其迹李泌之
言信矣

六月戊寅立子雍王賢為皇太子

以新紀及柳芳唐歷修

秋八月

張文瓘為侍中郝處俊為中書令劉仁軌戴至德為左

右僕射

以新紀修

冬十月壬午彗星出於角亢

以新紀修

唐高宗皇帝儀鳳元年春二月甲戌移安東都護府於

遼東

舊紀

三月癸卯黃門侍郎來恒中書侍郎薛元超

同三品

以舊紀修

閏三月己巳吐蕃入寇乙酉以洛州牧周

王顯為行軍元帥領左衛大將軍劉審禮等并州大都

督相王輪為行軍元帥領契苾何力等伐之二王竟不

行

以通鑑新紀修

夏四月戊申帝還京師

以新舊紀修

甲寅中書侍

郎李義琰同三品

以新紀修

六月癸亥黃門侍郎高智周同

三品

以新紀修

秋七月辛亥彗星出於東井

以新紀修

九月以大

理丞秋仁傑為侍御史

以呂祖謙標目修

冬十月帝還京師

以通

鑑修

丁酉裕享太廟

以通鑑修

十一月壬申改元

以新紀修

解題曰宋庠紀年通譜鳳皇見故改元

庚寅李敬玄為中書令新紀十二月戊午來恒薛元超

為河南北道大使

以新紀修

唐高宗皇帝儀鳳二年夏四月左庶子張大安同三品

以新紀修秋八月辛亥劉仁軌為洮河軍鎮守使新紀冬十

月壬辰徙封王顯為英王更名括新紀

唐高宗皇帝儀鳳三年春正月辛酉百官朝天後於光

順門

以呂祖謙標目修

解題曰新史傳昭儀為皇后命羣臣及四夷酋長朝
后肅義門內外命婦入謁朝皇后自此始茲踵前事

而為之也事見通鑑

寶華音訓光順門
紫宸殿之西南門

丙子李敬玄代劉仁軌為行軍大總管

以通鑑修

解題曰方仁軌之自百濟召還也計其非便與劉仁
願議請留仁願難之仁軌曰人臣苟利於國知無不
為豈恤其私乃表陳便宜其拳拳體國如此及出鎮
洮河忿為李敬玄所抑知其非將帥才而故薦以代

已遂覆其師視前日幾若二人之為蓋仁軌雖有知識而未必知學問一時慷慨自許固能輸其忠力及有所忿憤則不得其正矣此所以見天資之不足恃也事見通鑑

五月帝幸九成宮秋九月還宮

以通鑑修

癸亥張文瓘薨

以新

紀修

丙寅李敬玄及左衛大將軍劉審禮敗於青海審禮

死之

以通鑑修

解題曰新史列傳吐谷渾居甘松山之陽洮水之西

有青海周八九百里

冬十一月壬子來恒薨

以舊紀修

唐高宗皇帝調露元年春正月帝幸東都

以新舊紀修

庚戌

道恭公戴至德薨

以通鑑修

夏四月辛酉郝處俊為侍中

以新

舊紀修

五月戊戌作紫桂宮

新紀

解題曰按新史地理志注河南府澠池縣西有紫桂

宮

六月辛亥改元

以新舊紀修

解題曰宋庠紀年通譜甘露降故改元事見柳芳唐曆

遣吏部侍郎裴行儉伐西突厥秋九月執其可汗都支

以新舊紀修冬十月突厥溫傳奉職二部反敗單于大都護

府長史蕭嗣業

以新紀呂祖謙標目修

十一月戊寅高智周罷

新

紀

甲辰禮部尚書裴行儉為行軍大總管伐突厥

以新紀修

唐高宗皇帝永隆元年春三月裴行儉大破突厥於黑

山擒奉職

以呂祖謙標目修

解題曰寶華音訓黑山在雲州西北六百里

武經總要在契

丹慶州北三十里洮拈竿談在大幕北今謂之姚家族有水出其下所謂黑水也

夏四月戊辰黃門侍郎裴炎崔知溫中書侍郎王德真

同三品

以新舊紀修

秋七月己卯吐蕃寇河源辛巳李敬玄

大敗於湟川武衛將軍黑齒常之擊却之以為河源軍

經畧大使時吐蕃盡據羊同諸羌之地方萬餘里

以呂祖謙

修標目

解題曰按新舊史本紀儀鳳三年正月李敬玄為洮河道行軍大總管以伐吐蕃九月李敬玄劉審禮及

吐蕃戰於青海敗績審禮被俘永隆元年七月吐蕃寇河源李敬玄及吐蕃戰於湟川敗績貶敬玄為衡州刺史前戰青海後戰湟川自是再戰新史吐蕃傳敬玄率劉審禮擊吐蕃青海上審禮戰沒敬玄損承風嶺礙險不得縱吐蕃壓王師屯將軍黑齒常之率死士五百夜斧其營虜驚自相輜藉而死者甚衆乃引去敬玄僅脫雖不及後一戰然李敬玄傳則云拜洮河道大總管兼檢校鄯州都督統兵十八萬與吐蕃

將論欽陵戰青海使劉審禮為先鋒麋虜敬玄按軍
自如審禮戰沒尚首鼠不進乃頓承風嶺虜壓其營
偏將黑齒常之率死士夜擊賊敬玄始得至鄯州又
戰湟川遂大敗黑齒常之傳則云儀鳳三年從李敬
玄劉審禮擊吐蕃審禮敗敬玄欲引還阻泥溝兵不
得出常之夜率敢死士五百人掩其營殺掠數百人
賊酋跋地設棄軍走帝歎其才擢左武衛將軍進為
河源軍副使調露中吐蕃使贊婆等入寇屯良非川

李敬玄之敗常之引精騎三千夜襲其軍斬首二千級獲羊馬數萬贊婆等單騎去即拜河源道經略大使事跡前後自是分明但多李敬玄之敗五字是衍

文所以通鑑考異疑其止是一戰也

新史地理志注元和郡縣志鄆

州鄆城縣儀鳳二年分湟水縣置有河源軍會要在湟川東西本趙充國亭候新史吐蕃傳大羊同國古所謂崑崙也東距長安五十里

八月丁巳李敬玄貶刺史

以新舊紀修

甲子廢皇太子賢為

庶人乙丑立英王括為皇太子改元

以舊紀修

解題曰廣平王使李泌獻捷與帝從容語曰陛下嘗
聞黃臺瓜乎高宗八子天后所生者四人自為行而
睿宗最幼長曰弘為太子后方圖臨朝鸞殺之而立
次子賢賢日憂惕每侍上不敢有言乃作樂章使工
歌之欲感悟上及后曰種瓜黃臺下瓜熟子離離一
摘使瓜好再摘令瓜稀三摘尚云可四摘抱蔓歸而
賢終為后斥死餘見通鑑立皇太子故改元宋庠紀
年通譜永隆本梁師都年號

己巳張大安貶刺史

以新紀修

九月甲申王德直罷

新紀十

一月壬申朔日有食之

以新紀修

唐高宗皇帝開耀元年春正月乙亥突厥入寇癸巳遣

裴行儉為行軍大總管伐之

以通鑑修

三月辛卯郝處俊罷

新紀

夏五月己丑黑齒常之敗吐蕃於良非川

以新紀修秋

七月甲午劉仁軌罷左僕射

新紀

閏七月丁未裴炎為

侍中崔知溫薛元超守中書令

以新紀修

裴行儉大破突厥

擒其可汗及溫傳

以呂祖謙標目修

九月丙申彗星出於天市

以新舊
紀修

乙丑改元

新紀

冬十月丙寅朔日有食之

舊紀

十一月癸卯徙庶人賢於巴州

新紀

唐高宗皇帝永淳元年春二月作萬泉宮

以通
鑑修

解題曰新史地理志注萬泉宮在京兆府藍田縣

癸未改元

以新
紀修

西突厥反

以新
紀修

三月戊午立孫重照為

皇太孫

以新
紀修

夏四月甲子朔日有食之

以通
鑑修

丙寅闕中

饑帝幸東都

以新
紀修

以裴行儉為行軍大總管率三總管

伐西突厥未行聞喜憲公行儉卒安西副都護王方翼

大敗西突厥於熱海遂平之

以舊紀修

解題曰自安西出柘厥關九百五十里至碎卜水又

五十里至熱海

丁亥黃門侍郎郭時舉兵部侍郎岑長倩秘書員外少

監郭正一吏部侍郎魏玄同與中書門下同承受進止

平章事自是外司四品以下知政事者始以平章事為

名

以新舊紀修

六月蝗人相食

以新舊紀修

秋七月己亥作奉天

宮監察御史裏行李善感諫不納

以新紀通鑑修

解題曰新史地理志注奉天宮在河南府登封縣

冬十月丙寅黃門侍郎劉景先同平章政事

以新紀修

唐高宗皇帝弘道元年春正月帝幸奉天宮二月突厥

入寇

以新紀通鑑修

三月庚子李義琰致仕

以通鑑修

解題曰范祖禹曰高宗責義琰為宰相而陵其母家
不可以率天下斯言當矣然已以讒殺元舅而不自
知其惡何以責臣下之薄於母黨乎由此觀之自古
人主能知其過鮮矣事見通鑑

丙午彗星出於五車

以新舊紀修

癸丑崔知溫薨

以新舊紀修

夏四

月帝幸東都

以新舊紀修

壬申郭時舉郭正一同平章政事

以朱

嘉綱目修

秋七月甲辰封相王輪為豫王更名旦

以新舊紀修

薛元

超罷

以新舊紀修

八月乙丑皇太子朝於東都

以新舊紀修

冬十月帝幸

奉天宮

以新舊紀修

十一月戊戌右武衛將軍程務挺為安撫

大使以伐突厥

以新舊紀修

丁未帝如東都

以新舊紀修

十二月丁巳

改元帝崩於貞觀殿裴炎受遺詔廢萬泉芳桂奉天等

宮甲子皇太子哲即皇帝位尊天后為皇太后政事咸

取決焉

以呂祖謙
標目修

甲戌劉仁軌為左僕射裴炎為中書

令劉景先為侍中同三品戊寅郭時舉魏玄同岑長倩

同三品癸未郭正一罷

以新
紀修

大事記續編卷五十二